



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒԶՈՐՍԵՐՈՐԴ ՏԱՐԻ

1909

№ 10

ՀՈԿՏԵՄԲԵՐ

Թ Ի Ֆ Լ Ի Ս

ԷԼԵՔՏՐՈՆԱՐԴ ՏՊԱՐԱՆ ՕՐ. Ն. ԱՂԱՆԵԱՆՅԻ. ՊՕԼԻՑ. 7.

1909

ԲՈՎԱՆԴԱԼՈՒԹԻՒՆ

Մուրացանի ինքնակենսազրութիւնը	3
Տ. Գրիգոր Է. Անաւարդեցի. Մ. Ա. Օրմանեան	12
Երկու ընկեր } Բանաստ. Յար. Պետրոսեան	22
Միայն մի ժպիտ	
Տանջուածք, Ս. Բօժեօր	23
Գիտութիւն և բարոյականութիւն, Բժ. Բ. Աղասարեան	43
Ժողովրդի մէջ. Բօզկէրի. Թարգմ. օր. Ն. Աղանեան .	54

ՄԱՏԵՆԱԽՕՍԱԿԱՆ

Հարաման-Ռուզմի. իրաշրջանների վերածափ թուարա- նական խնդիրների ժողովածու. Դ. ա. դասընթացը, փո- խադրեց Յ. Տէր-Միրաքեան. Օր. Ն. Աղանեան	58
---	----

ԱՄՍՈՒԱՅ ՏԵՍՈՒԹԻՒՆ

Լուրեր	63
------------------	----

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ
ՅԱՅՏԱՐԱՐՈՒԹԻՒՆՆԵՐ


Մամուլի տակ է

ԳԻՒՏ ա. ք. ԱՂԱՆԵԱՆՑԻ

ԴԻԻԱՆ ՀԱՅՈՑ ՊԱՏՄՈՒԹԵԱՆ

ԳԻՐԻ Թ

ՅՈՎՍԷՓ ԱՐԴՈՒԹԵԱՆ



ԳՐԱԿԱՆ, ԲԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՉՈՐՍԵՐՈՐԴ ՏԱՐԻ

1909

№ 10

ՀՈԿՏԵՄԲԵՐ

Թ Ի Յ Լ Ի Ս

ԷԼԵԲՏՐԱՉԱՐԴ ՏՊԱՐԱՆ ՕՐ. Ն. ԱՂԱՆԵԱՆՅԻ. ՊՕԼԻՑ. 7.

1909

ՄՈՒՐԱՑԱՆԻ ԻՆՔՆԱԿԵՆՍԱԳՐՈՒԹԻՒՆԸ

(Ողղուած պ. Մինաս Բերբերեանին)

Ձեզ ուղարկել էի արդէն աշխատութիւններս, ընդ որս և նամակս, երբ նոյեմբ. 12 [թուով Ձեր նամակն ստացալ, որով իմ անձի և աշխատութեանց վերաբերմամբ մի քանի հարցեր էք անում և խնդրում որ շուտով պատասխանեմ: Դժբաղդաբար մի քանի օրուայ հիւանդութիւնս [թոյլ չտուեց աւելի վաղ Ձեր խնդիրը կատարելու: Այսուամենայնիւ, գրում եմ այժմ մի քանի բան:

Ճշմարիտը խոստովանած, եթէ Ձեր հարցերը չվերաբերէին Ձեր ժողովածուի մէջ իմ անձի մասին անելիք դիտողութեանց, ի հարկէ, ոչ մի դժուարութիւն չէի զգալ Ձեզ պատասխանելու. բայց քանի որ զրանք յիշածս խնդրին են վերաբերում, հարկաւ, ծանր է ինձ ազատօրէն գրել Ձեզ այն ամենը, ինչ որ կարող էիք դուք իմանալ մի երրորդ անձի միջոցով: Այն միտքը [թէ՝ այս կամ այն ծանօթութիւնը տալիս եմ Ձեզ նրա համար՝ որ հրապարակ հաւնէք, արդէն անախորժ տպաւորութիւն է աւնում ինձ վրայ: Ես, առհասարակ, հետամուտ չեմ եղել երբէք երեւալու և խոյս եմ տուել միշտ՝ երբ կամեցել են իմ մասին խօսել. և մոտամբ էլ հենց այդ [թաղչող ընաւորութեանս պէտք է վերադրել այն՝ որ տարիներով առաջ գրած աշխատութիւններս ֆնացել են անտիպ և տպուածներն՝ առանց վերատպութեան: Այդ բանին, ի հարկէ քիչ չէ նպաստել և ժամանակիս սղութիւնը, ինչպէս առիթ եմ ունեցել ձեզ գրելու. բայց, ի հարկէ, երեւալու ցանկութիւն [թէ ունենայի՝ ժամանակ միշտ կարող էի վաստակել:

Այսուամենայնիւ, Ձեր արած հարցերն ընդունելով իբրեւ մեր ուղղութեան և բանակին պատկանող անձի մտերմական առաջարկութիւն, մի քանի խօսքով պատասխանում եմ նրան,

ի սրտէ ցանկանալով ծառայել Ձեր այն բարենպատակ ձեռնարկութեան, որպիսին է՝ ուսն հասարակութիւնը ծանօթացնել սակաւութեան հայկական գրականութեան հետ:

— Ծնունդ էմ 1854 թուականի դեկտեմբեր մէկին. Արցախ նահանգի (Ղարաբաղ) Շուշի քաղաքում: Ծնողներս միջին դասակարգի մարդիկ էին. հայրս պարապում էր զիւղատնտեսութեամբ, հմուտ էր մի քանի տեսակ արհեստների և «շալիր» կոչուած բանաստեղծների կարգին էր պաականում. աշխինքն յանպարաստից գիտէր ոտանաւորներ շարաւրել և երգել: Նա մեռաւ, երբ ես ուսանում էի տեղական մասնաւոր դպրոցներից մինում և հաղիւ 12 տարեկան էի: Տօրս մահից յետ մեր ընտանեկան վիճակը վատթարացաւ. ուստի ստիպուած էին նախկին դպրոցից հանելով՝ աւելի աժանազին զրպրոց ուղարկել ինձ: Մի երկու տարուց յետ տուին ինձ Շուշուց թեմական դպրանոցը, ուր ընդունուեցայ ծրիավարժների թրւում: Այդ դպրոցը այդ ժամանակ խիստ ծաղկած դրութեան մէջ էր, նա մանաւանդ հայերէնագիտութեան կողմից: Թեմական դպրոցն աւարտեցի 1873 թիւ յունիսին: Ապա մի տարի շարունակ պարապեցի Փրանսերէն ուսանելով, որովհետեւ այդ առարկան թոյլ էին անցնում մեր դպրոցում: Ապա երկու տարի հայոց լեզուի և պատմութեան դաստատութիւն արի Խորէն Ստեփանէի Շուշում հիմնած դպրոցում, (որը իւր հեռանալով փակուեցաւ): 1877 թուի մեծ մասը գործ դրի իմ հայրենի երկրի զանազան կողմերը շրջելով և Արցախու ու Սիւնեաց աւերակներն ու հին չիշատակարաններն ուսումնասիրելով: Այս շրջագայութիւնից վերադառնալուց յետ 1877-ի վերջին զրեցի (Շուշիում) իմ առաջին — փոքր ի շատէ ընդարձակ երկս, որ էր՝ Հասան-Ջալալեան ազգի համառօտ տոհմագրութիւնը և այդ ազգի շառաւիղ և աղուանից կաթողիկոսութեան վերջին ժառանգ՝ Բաղդասար Մետրապօլիտ Հասան-Ջալալեանի կենսագրութիւնը, որը և տպուեցաւ «Փորձի» 1880 թուականի չգիտեմ ո՞ր ամսի տետրակում:

Որովհետեւ նիւթապէս անապահով վիճակ ունէի, ուստի մշտական մի պարապմունք գտնելու յուսով 1878-ի վերջին ե-

կայ Թիֆլիս: Յանկանում էի այնպիսի գործով զբաղուել, որը թէ՛ նիւթական զիւրութիւն առուող լինէր և թէ՛ մտաւոր պարապմունքներս չը խանգարող: Այդպիսի պարապմունք շատերից վարժապետութիւնն էր նանաչուած. բայց ես չկամեցայ ուսուցիչ լինել, որովհետեւ ոչ գլուխ ունէի հոգաբարձուների առաջ խոնարհելու և ոչ լեզու նրանց շողոքորթելու: Այդ պատճառով աւելի լաւ համարեցի առևտրական ծառայութեան մտնել: Այս նպատակաւ սովորեցի մի երկու ամսուայ ընթացքում կրկնատոմար հաշուապահութիւն և 1879 թիւ յունուար 2-ին հաշուապահի պաշտօնով մտի տեղական առևտրական տներից մէկը, ուր և ծառայում եմ մինչև այսօր, այն է՝ շուրջ տասն և հինգ տարի:

Ահա՛ այս տարիների ընթացքում սկսայ իմ ազատ ժամերից օգտուել և զբէլ: Իժեքադատաբար այդ ազատ ժամերն էլ շատ քիչ էին: Անցեալները մի դիպուածով (մեր առևտրական առան արխիւը կարգաւորել տալու ժամանակ) կշռեցի այն բոլոր հաշուեգրքերը և թղթերը, որոնք ծայրէ ի ծայր գրուած էին իմ ձեռքով այս 15 տարուայ ընթացքում, և ցաւելով տեսայ՝ որ այդ բոլորի կշիւը հասնում էր մօտ տասն եւ երկու պոնդի: Իսկ եթէ ես նիւթական մի փոքրիկ տպահովութիւն ունեցած լինէի և այդ մեքենայական աշխատութեան փոխարէն զրական աշխատութեամբ պարսպէի, քանի՜ հատորներ կունենայի այժմ: Գիտէ՞ք ինչ մեծ վիշտ է այս ինձ համար:

Բայց ես խնդրից շեղուեցայ:

— Թիֆլիսում գրած առաջին երկս «Ռուզան» պատմական դրամն էր, որի դադափարը յղացել էի դեռ երկու տարի առաջ՝ Ռուզանի հօր—Հասան-Ջալալի պատմական երկիրը շրջադայածս ժամանակ: 80-ական թուականների հայոց թատրոնի յաջողակ ներկայացումները, որոնց մասնակցում էին Աղամեանի, Մնակեանի, Աստղիկի, Հրաչեայի, Գարագաշի և այլոց նման ոյժերը, և որոնք այնքան հետաքրքրութիւն ու եռանդ էին բորբոքել Թիֆլիսի հայ հասարակութեան մէջ, իմ մէջ էլ եռանդ ներշնչեցին թատերական մի երկ յօրինելու փորձն անել. և ահա՛ այդ փորձից ծնուեցաւ «Ռուզան»ը, որը գրեցի 1881

Թուականի դեկտեմբ. ամսում. 82-ի յունուարին յանձնեցի Թատրոնական Մասնաժողովին (մի կողմնակի անձի միջոցաւ, որովհետեւ ինքս չէի կամենում յայտնուել և անշայտ էլ ֆնացի մինչև ներկայացման գիշերը): Այդ պիեսը խաղացին առաջին անգամ Թիֆլիսում 1882 թիւ փետր. 4-ին, Ադամեանի, չրա-
չեայի և այլոց մասնակցութեամբ:

Այն անսպասելի և չտեսնուած ընդունելութիւնը, որ գտաւ «Ռուզանը» Թիֆլիսի հասարակութեան կողմից և որի մասին գրեցին ընդարձակօրէն տեղական չայ և Ռուս Թերթե-
րը—խրախուսեց ինձ դրականապէս նուիրուել զրականութեանը:

Սակայն այդ խրախուսանքը ֆնաց անպտուղ: Որովհետեւ մի քանի փոքրիկ դէպքեր համոզեցին ինձ որ զրականութեան նուիրուելուց առաջ՝ պէտք է ուխտէի քաղցած ֆնալու: Բայց որովհետեւ ինձանից դատ ես մայր էլ ունէի պահելու, ուստի այդ ուխտը չարի, այլ սիրածս զբաղմունքի համար օգտուեցայ միայն հանդստութեանս համար սահմանուած ժամերից:

Եւ այսպէս 1882-ին գրեցի «Նայբողոքականի ընտանիքը», որը տպուեցաւ նոյն Թուականի «Մեղու չայաստանի» լրա-
դրում և ապա արատապուեցաւ 1883-ին: Այս վիպակը բեւու-
շարժառիթը այն կրօնական պայքարն էր, որ մղուած էր այդ ժամանակ «Մեղու» և «Մշակ» լրագիրների մէջ:—Արծրունին որ հայոց պատմութեան և անցեալի սլբուբենին անտեղեակ էր և չէր ճանաչում այն ժողովուրդը, որի համար լրագիր էր հրա-
տարակում, պնդում էր թէ՛ եթէ հայերի մէջ կրօնական աղանդ-
ները բազմանան, ազգութիւնը դրանից չի վտանգուիլ: Մե-
ղուն, (որին աշխատակցում էր այդ ժամանակ պ. Սպանդա-
րեանը) պնդում էր հակառակը: Բայց մեր հին և նոր պատ-
մութեան տեղեակ մը հայր չգիտէ թէ՛ կրօնական բաժանում-
ները որքան թշուառութիւններ են բերել ազգի գլխին, որքան
ընտանիքների մէջ զժտութիւն ու խռովութիւն են սերմանել:
Այդ տեսակ շատ փաստերի հետ ծանօթ էի և ես. և ահա այդ
փաստերից մինը իմ վիպակի նիւթը շինեցի—բաժանման կու-
սակից հրապարակախօսի և նրա համախոհների մոլորութիւնը
երեւան անելու համար:

Գրեթէ դմանօրինակ մի շարժառիթի ծնունդ է «Իմ կաթոլիկ հարսնացուն»։ Արծրունին մի անգամ իւր առաջնորդողներից մինուժ ասել էր. «Եթէ մի օր հայ բողոքականները և հայ կաթոլիկները վերադառնան լուսաւորչական եկեղեցւոյ գիրկը, այդ մեզ համար կլինի ոչ թէ բազդաւորութիւն, այլ անբազդութիւն. և այդ տեսակ քարոզները շարունակուում էին տարիներով։ «Իմ կաթոլիկ հարսնացուի» մէջ ես կամեցայ ցոյց տալ ընթերցող հասարակութեանը այն քաղաքաւորութիւնը, որ կարող է ունենալ հայր՝ պապական եկեղեցուն հաւատարիմ մընալով...։ Ես միշտ այն կարծիքին եմ եղել՝ որ վէպերով, աւելի շատ բան կարելի է ասել ժողովրդին, քան սառը առաջնորդողներով, այդ պատճառով, եթէ ուշադրութեամբ դիտէք, կը տեսնէք որ իմ գրուածներում ես միշտ աշխատել եմ մեր մի կարգ հրապարակասօսների անհեթեթ մտքերի և կարծիքների դէմ կռուել։ Որքան է ինձ այդ յաջողել, չգիտեմ, այսքանը միայն կայ՝ որ չեմ մատժել իմ ապագայ փառքի համար. չեմ աշխատել գրուածներս ազատ պահել ժամանակակից ցաւերին վերաբերեալ տենդենցիայից, թէպէտ հաւատացած եմ եղել որ այդ տեսակ գրուածների կեանքը կարճ է լինում։ Ինձ ոգևորել է իմ ժամանակակից եղբայրներին պիտանի լինելու միտքը և ոչ թէ անմահ գրույների շարքը անցնելու տենչանքն։

«Հասարակաց որդեգիրը» ես գրեցի «Ռուզանի» ներկայացումից մի քանի ամիս յետոյ։ Շարժառիթը հետեւեալն էր։ Իմ հեղինակութեան ներկայացումը այնքան էր ոգևորել Թիֆլիսի հայ հասարակութիւնը, որ հարուստներից ոմանք ոչ միայն իրենց ծանօթութիւնն ու բարեկամութիւնը ինձ առաջարկեցին, այլ և գեղեցիկ խորհուրդ չղացան՝ նպաստել իմ մատուր զարգացման՝ ուղարկելով ինձ Եւրոպա թէ՛ ուսանելու և թէ՛ ճանապարհորդելու։ Երպէսզի այս վերջին միջոցով ծանօթանայի նաև նշանաւոր բեմերի և բեմական տաղանդների հետ։ Աստուծոյ ողորմութեամբ իմ բնական յոռետեսութիւնը ազատեց ինձ հայ աղգասէրների անելիք բարերարութիւնից, որովհետև, ինչպէս վերջը յայտնուեցաւ, ես էլ նոյն վիճակին պիտի հանդիպէի, ինչին որ հանգիպեց իմ խեղճ «հասարակաց որդեգիրը»։

եթէ անխոհեմութիւն ունեցած լինէի հայերի խոստումներով ոգևորուելու և պաշտօնս թողնելու:

«Ի՞մ երջանկութիւնը» — «Հարուստները զուարճանում են» — «Ի՞նչ լայեղ է» և «Անպատճառ իշխանունին» ուղղուած են Թիֆլիսի բարձր դասակարգի հայ ընտանեաց՝ դէպի ազգային զործերն ունեցած անտարբերութեան և նրանց մէջ արմատացած մի քանի թերութեանց դէմ: Վերջին աշխատութեանս (անպատճառ իշխանունի) ամբողջութիւնը քայքայուած է՝ ցենզուրայից բռնուած մի քանի գլուխների պատճառով:

«Զհաս է» վէպով շօշափել եմ մեր պատմական «հասուհիս» խնդիրը, որը քիչ անգամ չէ ընտանեկան զժբաղդութեանց պատճառ դարձել, նա մանաւանդ, երբ օրէնքը զործ է զրուել աչառու կերպով, այսինքն, հարստի ոսկիները մեղմացրել են այդ օրէնքի խստութիւնը, մինչդեռ աղքատը ճնշուել է նրա ծանրութեան ներքոյ:

«Խորհրդաւոր միանձնուհու» մէջ ես զործելու մի ծրագիր եմ առաջարկում մեր այն երիտասարդներին ու երիտասարդուհիներին, որոնք պարծենում են դէպի հայրենիքն ունեցած իրենց սիրոյ ջերմութեամբ և յանախ բացազանչում են բանաստեղծի հետ՝

«Տուէք ինձ սարեր, սարեր կործանեմ,

«Ծառը արմատով գետինէն հանեմ,

«Սուր ակռաներովս երկաթ կծամեմ,

«Մէջս այսքան ոյժ, ասէք, ինչ անեմ...»

Եւ ահա՛ ես այդ մարդկանց առաջարկում եմ իմ ծրագիրը, նրանց չիշեցնում եմ թէ՛ ի՞նչ պէտք է անեն: «Խորհրդաւոր միանձնուհու» մէջ ես ամուսնական — բանաստեղծական սէրը նուէր եմ բերել հայրենիքի բարձրագոյն սիրոյն և ինձ թւում է թէ՛ այդ արեւ եմ ոչ թէ բռնազբօսիկ եղանակաւ, այլ խիստ բնական ճանապարհով: Մեզ նման մի ընկած ազգը չի կարող ոտքի կանգնել, մինչև որ նրա զործողները ուսուցիչ Գարեգնի և քոյր Աննայի հոգւով վառուած չգործեն:

Ի դէպ, պէտք է ասեմ, որ մի տարի առաջ «Մշակի» և նրա համախոհ թերթերի մէջ փող փչեցին թէ՛ Արծրունին է

առաջին անգամ ամուսնական սերը հայրենիքի սիրոյն զոհելու գաղափարը երգել իւր (կարկատած ու մուրացած) Էվելինայի մէջ։ Բայց, ինչպէս տեսնում էք իմ «Խորհրդաւոր միանձնուհին» մի քանի տարի էվելինայից առաջ է գրուած. ուրեմն այդ գաղափարը ես աւելի վաղ եմ երգել։ Այս կէտի վրայ չէի դարձնիլ Ձեր ուշադրութիւնը, եթէ իւր ժամանակին սրտմտած չը լինէի ցուցամով հրապարակախօսի կլաքեօռների զէմ։

Ինչ «Լուսաւորութեան կենտրոնին» է վերաբերում, դա, այսպէս ասած, ժամանակագրական մի վէպ է, որի դեռ առաջին երկու մասերն են հրատարակուած, բայց դրանից էլ կարող էք ենթադրել որ ես այդ երկով կամենում եմ զուրս բերել մեր այժմեան գործողները, լուսաւորութիւնը, զարգացումը և լուծել այն խնդիրը (ի հարկէ ըստ իմ հասկացողութեան) թէ, որ աստիճան իրաւունք ունինք մենք այժմ մեզ լուսաւոր, զարգացած և քաղաքակիրթ անուանելու, կամ թէ, ո՞րքան շատ են մեր մէջ նրանք, որոնց սովորենք «ազնիւ գործողներ» անուանելու և նրանցով պարծենալու։

Հարցնում էք թէ ե՞րբ եմ սկսել զրել։— Շատ վաղ, այսինքն աշակերտութեանս ժամանակից։ Դեռ 1872 և 73 թուականներին գրաբառ բանաստեղծութիւններ էի գրում, որոնցից ոմանք տպուած են այդ ժամանակուայ «Արարատ» ամսագրում և «Արշալոյս Արարատեան» օրագրում, ի հարկէ, Գրիգոր Տէր-Յովհաննիսեան ստորագրութեամբ. (Մուրացան կեղծանունս Ռուզանից սկսայ գործածել)։ 1874-ից միայն սկսայ զրել աշխարհարար բանաստեղծութիւններ— զլիաւորապէս հայրենասիրական և սիրահարական բովանդակութեամբ, որոնք լոյս տեսած չեն ոչ մի տեղ։ 1877-ին զրեցի առաջին արձակ շարադրութիւնս (Հասան-Ջալալեանց սոհմագրութիւն և Բաղդ. Մետրապօլիի կենսագրութիւն), որը, ինչպէս ասացի, տպուեցաւ չեառ «Փորձի» մէջ։ Մնացեալների մասին արդէն զրած եմ նախընթաց նամակում։

Ձեր հարցին թէ՛ ի՞նչ հեղինակներ կամ դէպքեր են ինձ վրայ ազդեցութիւն արել, որոշ պատասխան զրել չեմ կարող։ Աշակերտութեանս ժամանակ միայն ես խիստ սպաւորուող էի և

այդ ժամանակուայ մեր սիրելի գրեթե—բանաստեղծութիւններից՝ չոմերոսը, Վերգիլիոսը, Միլտոնի գրախտ կորուսեալը և Վիտային էին, իսկ վիպասանութիւններից Ֆէրլոնի Տելեմաքը, Ֆլորիանի Նուվա-Պոմպիլիոսը, Բերնարդէն դը Սէն Պիերի՝ Պօղ և Վերգիւնէն ևն, որոնք, իբրև գեղեցիկ գրաբար թարգմանութիւններ տալիս էին մեզ կարգալու և լեզու սովորելու համար։ Դրանց հետ միասին մենք սնունդհաստ կարգում էինք մեր մատենագրութիւնները, գլխաւորապէս Եղիշէն, Խորենացին, Եզնիկը ևն. նոյնպէս և մեր նախնեաց ոսկեղինիկ թարգմանութիւնները։ Սակայն աշակերտութեանս ժամանակ արդէն մի փոքրիկ վիպասանութիւն գրեցի մեր հին զիւցազնական կեանքից և դա արդիւնք էր կարգացածս թարգմանական վիպասանութեանց։ Յունաց և Հռովմայեցոց հին իմաստասէրների գրուածները միայն մտածել են սովորեցրել ինձ։ Ստեղծելու բնդունակութիւնս սկսել է զարգանալ զպրոցից ելնելուց յետ, երբ ես արդէն սկսել էի ծանօթանալ եւրոպական նորագոյն գրողների գրուածքների հետ և որոնց, սակայն, կարգում էի առանց ընտրութեան։ Այդ բանը միայն մի օգուտ սուլաւ ինձ. այսինքն, զարգացրեց իմ մէջ կարգացածս գրուածքի վրայ վերին աստիճանի կրիտիքական աչքով նայելու սովորութիւն։ Թիֆլիս գալուց յետ միայն սկսայ ծանօթանալ եւրոպական նշանաւոր կլասիքների հետ—որոնց և անչազարար կարգում էի։ Ռուսաց լայանի գրողներին աւելի ուշ սկսայ կարգալ։ Որոշ ժամանակից յետ զաւարեցի վիպասանութիւններ կարգալուց և այժմ արդէն ինձ գրաւորը հոգեբանական և փիլիսոփայական գրուածներն են։— Այս բոլորից յետ, այսուամենայնիւ, չեմ կարող ասել թէ գրողներից ո՞րը ինձ վրայ լաւ կամ վատ տպաւորութիւն է տրել, կամ ո՞րին եմ հետևել իմ ստեղծագործութեանց մէջ։ Ամեն մի գործ ստեղծելու ժամանակ իմ աչքի առաջ ունեցել եմ հայ ժողովուրդը, նրա անցեալը, նրա պատմութիւնը, նրա տիւրներկան. լաւ եմ գրել թէ վատ, նրա համար եմ գրել, նրան եմ կամեցել իմ մտքերն ու զգացմունքներն հաղորդել։ Այդ պատճառաւ եթէ մէկը այսօր իմ գրուածներից կամենայ թարգմանել եւրոպական որևէ լեզուով, անօգուտ ծառայութիւն տ-

րած կլինի այդ լեզուին, որովհետև դրածս միևիայն հայ մարդու համար է եղած, որի ցաւերն զգալու ե՞ ճանաչելու համար անգամ հայ պէտք է լինել, ուր մնաց այդ ցաւերի մասին գրուածները կարգալու և հասկանալու համար...:

Հարցնում էք՝ ի՞նչ նպատակ պիտի ունենայ հեղինակը և ի՞նչ նշանակութիւն ունի վէպը: Այդ հարցին կարող էի պատասխանել այն՝ ինչ որ սովորաբար կպատասխանէր Ձեզ ամեն մի զրոյ և ինչ որ սովորեցնում են պատասխանել նոյն իսկ աշակերտներին: Այս պատճառաւ սովորական դարձուածներ չեմ կամենում յեղչեղել: Բայց ես կցանկանայի որ դուք ինձ հարցնէիք թէ՛ ի՞նչ նպատակ և ծգտում պիտի ունենայ հայ հեղինակը, և ի՞նչ հոգւով պէտք է զրել հայերի համար վէպեր և զրոյցներ: Ձէ՞ որ մենք բաղդաւոր ազգերի թուին չենք պատկանում և բացառիկ բաղդի ու պայմանների մէջ լինելով՝ բացառիկ էլ նպատակ ու ծգտութիւն պիտի ունենանք...: Բայց այս մասին դուք ինձ չէք հարցնում, ես էլ լաւ է որ ուրիշ անգամ խօսեմ Ձեզ հետ, մանաւանդ որ այժմ չափից աւելի երկարեց այս նամակը, որը կարգալու համար էլ գուցէ ծանծրոյթ զգաք, մանաւանդ որ խիստ անմաքուր եմ գրել և շատ աւել ջնջուել եմ: Այսուամենայնիւ կներէք:

Ընդունեցէք անկեղծ յարգանքներս և սրտազին ողջոյններս-
խ. ծառայ Ձեր

Մ Ո Ւ Ր Ա Յ Ա Ն

Տ. ԳՐԻԳՈՐ Է. ԱՆԱԽԱՐԱԶԵՑԻ

143. Ստեփանոս Դ. Հռոմկլայեցիին մեռաւ գերութեան մէջ, և քանի որ նա Եգիպտոսի բանտին մէջ կը տառապէր, կաթողիկոս չընտրուեցաւ, և Գրիգոր եպիսկոպոս Անաւարդայ հայրապետական տեղակալութիւն կը վարէր: Այլ մահուան գործը հասնելուն Գրիգորի փափագին դէմ արգելքը դադրեցաւ, և նա կրցաւ Պրօնագործին և Հռոմկլայեցիին ընտրութեանց օրերէն կազմած նպատակին հասնել, և Հեթում Բ. Թագաւորին պաշտպանութեամբ հայրապետական աթոռ բարձրացաւ (1293): Հեթում գումարել տուած է եպիսկոպոսաց ժողովը և Գրիգորը ձեռնադրել տուած, Օրբելեանի գրածին համեմատ, որ նորընտիր կաթողիկոսը կ'անուանէ, այր գիտնական և առաքինի, սիրող եկեղեցւոյ, տոնասէր և տօնախմբիչ տօնից տէրունականաց և պայծառացուցիչ յիշատակաց մարտիրոսաց, և կը յաւելու թէ գիտէր և զլեզուս և զպարտմունս լատին և յոյն ազգին (Օրբ. Բ. 193): Թէպէտ և այդ գովեստներուն մէջ Անաւարդեցիին ուսեալ անձ մը ըլլալէն աւելի բան մը գրուցուած չէ, սակայն միշտ օգտակար է դիտել, թէ Օրբելեան կը գրէր Անաւարդեցիին կենդանութեան ատեն (Օրբ. Բ. 252), և հետեւեալ պարտաւոր էր պատշաճից օրէնքը յարգել, թէպէտ իւր պատմութեան ընթացքին մէջ չծածկեր Անաւարդեցիին ուղղութեան դէմ զգացած հակառակութիւնը: Գրիգոր Է., որ սովորաբար Անաւարդեցի է կոչուած, այդ անունը առած է Անաւարդայ եպիսկոպոս հղած ըլլալէն, և այդ անուան ներքեւ ընդհանուր գործերու մէջ մեծ դեր վարելէն: Կոչուած է նաև Մեծքարեցի, առաջուրէն Մեծքարի վանքին առաջնորդ լինելուն համար: Հեթում կը կոչէ զայն՝ Տէր Գրիգոր. Տուաքերիցանց (Հեթ. 85), որոյ ճիշտ իմաստը չենք կրնար ճշտել, թէ պատուոյ կամ թէ պարսաւանաց կոչում էր: Գրիգոր կոչուած է ևս Երգեցող, ևրաժշտական յաջողակութեան համար,

Հոռոմ օտարամիտ և օտարասէր լինելուն համար, և Զրոդ՝ բաժակի մէջ ջուր խառնելուն կամ խառնել տալ ուզելուն համար: Գրիգոր կ'երևի յաջողակ անձ մը, լաւ ձիրքերու տէր, այլ զակատեալ լատինականութեան հոռէն:

144. Անաւարդեցիին ժամանակակից քաղաքական իշխաններուն և դիպուածներուն վրայ շատ քիչ տեղեկութիւններ կը գտնենք Օրբելեանի մօտ: Սա կը յիշէ թէ Լեոն՝ Հեթում Ա-ին արդէն թագաւոր էր իւր ձեռնադրութեան տարին (1286), թէ նա երեք տարի ետքը մեռաւ, և պայազատէ զտէրութիւն նորա երէց որդին Հեթում (1289), զոր և աթոռի վրայ գտնուած կը յիշէ Անաւարդեցիին ընտրութեան տարին (1293), և վերջնոյս առաջին տարիներուն մէջ կ'աւարտէ իւր պատմութիւնը: Հեթում պատմիչ կը յիշատակէ, թէ Հեթում թագաւոր Հոռոմկայի առումին յաջորդ տարին (1293) թագաւորութիւնը յանձնեց իւր եղբոր Թորոսին, և ինքն եմուտ ի կարգ և կրօնաւորեցաւ և Մակար կոչեցաւ: Դարձեալ կը զրէ թէ նոյն տարին էառ Հեթում թագաւորն զիւր թագաւորութիւն (Հեթ. 85), սակայն այդ կրօնաւորութեան յիշատակութիւնը կը պակսի Օրբելեանի և Սմբատի մէջ, մինչ Չամչեան կը պատմէ թէ մտաւ ի կարգ Փրանկիսկեանց, կամ Կրտսեր Նղբարց, և կոչեցաւ Նղբայր Յովհաննէս, և թէ երկու տարի մնաց ի կրօնաւորութեան: Այլ, թէ Հեթում պատմիչին տուած թուականները, և թէ՛ միւս պատմիչներուն լուծութիւնը, կը յորդորեն մեզ կարծել, թէ Հեթում թագաւորի կրօնաւորութիւնը վաղանցուկ բան մը եղաւ, որ հետք անգամ չ'իջողոց, և յոյժ կարճատև միջոց մը վանքի մէջ մնալէն ետքը դարձաւ իւր թագաւորութեան: Կրօնաւորութեան պարագայն ինքն Հեթում թագաւորն ալ չ'յիշեր իւր ոտանաւորին մէջ, և սակաւօրեայ առանձնութիւն մը եղած պիտի ըլլայ իրեն վանք քաշուիլը: Այլ թագաւորութեան հոգերէն ազատուելու փափազը մնաց իւր վրայ, և թագաւորութիւնը միւս եղբոր Սմբատին յանձնելով, Թորոս եղբորը հետ Կոստանդնուպօլիս գնաց (1296 կամ 1297), իւր Ռիթա հօրաքոյրին այցելութեան, որ Անդրոնիկոս Բ. կայսեր որդոյն և զահակիցին Միքայելի կ'ինն էր: Երկու տարիէն դարձան Հեթում և Թորոս, այլ Սմբատ, թագաւորութիւնը ձեռքէ չ'հանելու համար, երկուքն ալ ձերբակալել տուաւ և Բարձրբերդի մէջ բանտարկեց, Թորոսը խեղդել տուաւ, Հեթումին աչուընեքը ֆնասեց (1299): Նոյն տարին Կոստանդին, Լեոնի որդին, իւր եղբորորդիներուն ըրածներուն վրայ բարկանալով Սմբատը մերժեց, Հեթումը ազատեց, բայց ինքը թագաւորեց: Այլ յետ սակաւ աւուրց, Հեթում պաշտպանութիւն գտաւ Տաճարական ասպետներէն, Կոստանդինը մերժեց, Սմբատը հեռացուց, և նորէն ինքն

Թագաւորեց: Բայց այս անգամ ալ իշխանական հոգերէն ձանձրացաւ, և յետ աւուրց, իւր հօրեղբօրորդին Լևոնը Թագաւորեցուց իւր հսկողութեան ներքեւ, որ Եգիպտացւոց պատերազմին մէջ (1266) սպանուած Թորոսին զաւակն էր: Հիթուս Թագաւորահօր դերը ստանձնեց, չմոռնալով միշտ վանքի առանձնութիւնը, ուր կ'երթար անցնել իւր ժամանակը, երբ կարևոր գործ մը չէր կոչեր զինքն Լևոն Թագաւորին մօտ: Լևոնի Թագաւորելը Չամչեան զրած էր 1305-ին, այլ Ալիշան 1301-ին, որ յարմարագոյն է պատմութեան կարգին: Դարդել շփոթ է այս մասին, զի Թորոսեան Լևոնը, Հիթումեան Լևոնին անմիջական յաջորդ կը դնէ, թէպէտ գիտէ թէ Թորոսեան Լևոնը, որ կոչեցաւ Լևոն Երրորդը, վարեաց զիշխանութիւնն իւրեղբօրորդիոյ իւրոյ կոչեցելոյ Հեթում Միականի (Դարդ. 24): Գրիգորի մահը տեղի ունեցաւ (1307) Հիթումի և Լևոնի մեռնելէն առաջ, թէպէտ և միևնոյն թուականը կը տրուի սովորաբար:

145. Անաւարդեցիին պատմութեան գլխաւոր կէտն է, իւր ջանքն ու փոյթը Հայոց եկեղեցւոյն մէջ օտար սովորութիւններ մուծանելու: Որովհետեւ առիթ ունեցանք ըսելու թէ ինքն յաջողակ և գիտնական անձ մըն էր, չենք կարող զինքն մեղադրել իբր օտարի պարզ գործիք մը, կամ իբր արքունական ազդեցութեան տկար հետեւող մը: Միւս կողմանէ կը տեսնենք թէ անխտիր հետամուտ է թէ յոյնէն, թէ լատինէն և թէ ասորիէն սովորութիւններ և ծէսեր և նորութիւններ բերել մեր մէջ, մինչ յիշեալ երեք եկեղեցիներ իրարու հետ սիրով չէին և զիրար կը նզովէին: Հոռոմ մականունը որ տրուեցաւ Անաւարդեցիին, դժուարին է ճշտել թէ իբր յունասէր կամ թէ իրր լատինասէր պիտի իմանանք, թէպէտ լատինականութեան միտումն էր, որ ժամանակին աւելի աչքի կը զարնէր: Անաւարդեցին շատոնց այդ տենչանքով բորբոքուած էր, և երբ յաջողեցաւ կաթողիկոսութիւնը ձեռք ձգել, ազատաբար ձեռնարկեց իւր նպատակն իրականացնել, բայց կատարելապէս չյաջողեցաւ: Անաւարդեցիին նորութիւնները եղած են. 1. Բաժակին ջուր խառնել և պատարագամատոյցին ինչ ինչ յաւելուածներ ընել: 2. Սուրբ աստուած էն Որ խաչեցար՝ Վերցնել: 3. Քրիստոսի և սրբոց տօները ամսաթուով կատարել: 4. Մեծ տօներուն միօրեայ ծով կատարել լատինական հսկման նախատօներու նման: 5. Մկրտութեան, դրոշմի և ձեռնադրութեան մաշտոցներու մէջ փոփոխութիւններ մուծանել: 6. Զեռնադրութիւնները տարւոյն չորս եղանակաց պահոց օրերը կատարել ըստ Լատինաց: 7. Ժամերգութեան մէջ յաւելուածներ մտցնել օտարաց հետևողութեամբ: 8. Երեխայից իւղ գործածել: 9. Հիւանդաց վերջին խորհուրդը օծմամբ կատարել: Գրիգոր այդ փա-

փագները չէր ծածկեր, և քանի որ չէր կրնար բացարձակապէս հրամայել, ինքն առանձինն սկսած էր գործածել, ինչպէս բաժակի ջուրին համար կը պատմուի: Միւս կողմէն եկեղեցական տօներու համար բազմաթիւ նոր շարականներ կը պատրաստէր, նոր տօնացոյց կը յօրինէր, յայսմաւուրքի կարգերը կը փոխէր, և յիշատակները կը ձօնացնէր: Անաւարդեցիին շարականներէն երեսուներեք հատը կը ցուցակագրէ Ալիշան, որք երևի թէ մեծ արժէք չունին, եթէ ամենն ալ կը նմանին Ս. Գէորգի շարականին, որ տպագրուած է ձեռաց շարակնոցի մը վերջը: Անաւարդեցւոյն նորութիւններէն միակը, որ ընդունելութիւն գտած և մեզի հասած է, Մեծացուցէ փոխին ու շարականին հանապազօր զրուցուելն է, որ ըստ Օձնեցւոյն կիրականօրեայ իշարերից կարգին մասը կը կազմէ:

146. Անաւարդեցիին առաջարկած նորութիւններուն շնչիւնը հասաւ Արեւելք, ուր կանուխէն նորա անունը կասկածելի եղած էր, և կրցածնուն չափ աշխատած էին որ կաթողիկոսական աթոռը չբարձրանայ: Արեւելքի սոսկալով լսեցին թէ Անաւարդեցիին սկսաւ առ սակաւ սակաւ զամենայն աւանդութիւնս Հոռոմոց եկեղեցւոյն սպրդեալ մուծանել ի մերս եկեղեցի, և ի մերոց ի բաց քեցել մի մի, և թէ նմակ հաւանութեան առաքէր առ պատրիարքն ի Կոստանդնուպօլիս և խոստանայր յանձն առնուլ զոր ինչ և խնդրեցեն (Օրբ. Բ. 195): Օրբելեան, որ նոյն ատեն Սիւնեաց արքեպիսկոպոս էր և Արեւելեան վարդապետներուն պետը, աղեցաւ և լերդախոց ողբերով կը նկարագրէ այդ միջադէպը, և կը յիշէ թէ Անաւարդեցիին կողմանէ յառաջ բերուած փաստն այն էր, թէ տկար լինելնուս համար պէտք է Հոռոմները և ամէն ազգերը մեզի հետ միացնել, և թէ միութիւն ընելով Անտիոքի հայրապետական աթոռը պիտի գրաւենք: Բայց Արեւելեայք այդ սեթևեթներով չէին խաբուիր: Ժողով մը գումարուեցաւ ի Սիւնիս, Օրբելեան Ստեփանոս արքեպիսկոպոսի նախագահութեամբ, և Բջնոյ, Հաղբատու, Հաւուցթառայ և Գողթան եպիսկոպոսներուն, և Տաթևու և Նորովանից և ուրիշ վանահայրներու և վարդապետներու, և Օրբելեան և Պոօշեան իշխաններու ներկայութեամբ: Անդ էր և Եսայի վարդապետ Նչեցին, զոր կանխաւ յիշած ենք: Այդ գումարման մէջ ժողովական նամակ մըն ալ գրուեցաւ կաթողիկոսին, և պարտուպատշաճ ոճով ու յարգանօք խնդրեցին յանուն ամենայն ազգին, որպէս զի նորութիւններէն հրաժարի և աւանդութիւնները պահպանէ:

147. Օրբելեան յառաջ կը բերէ նամակին պատճէնը, որոյ գլխաւոր և կանոնական կէտերուն նիւթն է, միայն երեք սուրբ ժողովները ընդունել և Քաղկեդոնինը մերժել, և հաստատուն մնալ

ազգային ժողովներու որոշմանց վրայ, որ քաղկեդոնեան դաւանութիւնը չընդունեցան: Այս կարգին մէջ յիշուած ժողովներն են. 1. Շահապիվանու՝ Յոգնան Մանդակունիի ժամանակ. 2. Քաղաքուդաշտի, Բարգէնի ժամանակ. 3. Դիւայ Ներսէս Շինողի ժամանակ. 4. Դիւայ Մովսէսի ժամանակ. յորում Թուական Հայոց եղաւ. 5. Դիւայ՝ Աբրահամու ժամանակ Կիւրիոնի դէմ. 6. Պարտաւայ Եղիայի ժամանակ Ներսէս Բակուրի դէմ. 7. Սիւնեաց Եղրի ժամանակ Կարնոյ ժողովը մերժելու համար. 8. Մանազկերտի Օձնեցւոյն ժամանակ Եղրի ժողովին դէմ. 9. Անւոյ Վահան Սիւնիին դէմ. 10. Գետկանի ժողով Ջաքարիայի և Իվանէի ժամանակ Վրաց և Հոռոմոց դէմ: Անկէ ետքը ժողովական նամակը կ'ակնարկէ ուրիշ նորութեանց, զորս Անաւարդեցիին կը պաշտպանէր և որոց դէմ Արեւելայք կը պնդեն ազգային եկեղեցւոյ հնաւանդ կանոնները, և են. 1. Բաժակին ջուր չխառնել. 2. Մէկ պատարագի շատ պատարագիչ չունենալ, որ Ասորւոց սովորութիւնն է. 3. Եկեղեցւոյ մէջ կերուխում չընել և դուռները բաց չթողուլ. 4. Հոռոմոց եկեղեցին չմտնել, և տօները անոնց հետ չընել, գլխաւորապէս ծնունդն ու աւետումը: 5. Նաւակատիքները իւրով և պանիրով լուծել առանց մսի. 6. Հիւանդաց վրայ օծման իւր չը գործածել. Թէպէտ երախայից իւղին համար կըսեն թէ կընդունեն: Նամակին վերջը կը գրեն այն նշանաւոր գրոյցը, որ յառակս անցած է թէ, Հաւան եմք մեր ընդ մեր հարսն ի դժոխս իջանել, և ոչ ընդ Հոռոմոց յերկինս ելանել: Եւ որպէսզի կասկածը փարատի, կը հրաւիրեն կաթողիկոսը, որ հեննիտիկոն թղթով, այսինքն է հաւատոյ պատկանեալ պաշտօնական կոնդակով մը ազգային եկեղեցւոյ ուղիղ դաւանութիւնը և սուրբ կանոնները յայտարարէ և հաստատէ, և գաղթակղովութիւնը վերնայ: Իսկ եթէ իրենց առաջարկը չընդունուի, մեղմ կերպով մը կը սպառնան կաթողիկոսէն բաժնուել, և եթէ բռնութիւն ալ գործածէ պիտի չը գիշանին:

148. Ժողովին և ժողովական թուղթին թուականը ճշտիւ նշանակուած չէ Օրբելեանէն, և ոչ ալ ըսած է թէ ինչ եղաւ իրենց թուղթին արդիւնքը: Որովհետեւ կը յիշէ զայն անմիջապէս ծագաւորիկին պատմութենէն ետքը, և Անաւարդեցիին կաթողիկոսութեան սկիզբը, ուստի սովորութիւն է այդ միջոցին դնել զայն (1294 կամ 1295): Արեւելայց հակառակութեան հետ Անաւարդեցիին դիմաց զօրաւոր արգելք հանեցին Կոռիկոսեան ազգատոհմին ներքին խռովութիւնները, և իրարու ձեռքէն թագաւորութիւնը խզելու համար գործուած անիրաւութիւնները (յօդ. 144): Ոտանաւոր յիշատակարանն ալ, զոր Հեթում թագաւոր գրած է իւր աստուածաշունչ գիրքին վերջը, և յորում հանդարտ

և խաղաղ վիճակի մը կը յայտնէ միւնսթըն (1295) թուականը կը կրէ, և անկէ հոսքը կը սկսեն (1296), Հեթումի մեկնելը, Սմբատի բռնակալելը, և այլ եղբրական դործերը, զորս յիշեցինք: Բնական է ուրեմն որ դժուար պիտի ըլլար Անաւարդեցիին իր նպատակը գործադրել այս միջոցին, և ազգային ժողովով հաստատել տալ իւր կազմած տօնացոյցը ու ծիսարանները: Գուցէ այդ յաջողութեան փափաքով էր, որ Անաւարդեցի յիղիղուկ քաղաքականութեամբ գործակից և կամակից գտնուեցաւ Կոստանդնուք ամեն թեկնածուններուն, Սմբատն ալ պսակեց, Կոստանդինն ալ ճանչցաւ, Հեթումն ալ լքեց՝ որուն հետ այնչափ ներքին ու սերտ բարեկամութիւն ունէր: Նա կուգէր թագաւորական իշխանութիւնը միշտ իւր կողմն առնել, և ինկածը կը մոռնար երբ նոր մը կը գործանար: Իսկ Ստեփանոս Օրբելեան նկատելով որ Անաւարդեցի իւր նպատակէն հեռացած չէ, ժողովական նամակէն յետոյ, միւնսթըն հակաքաղկեդոնական ուղղութեամբ գիրք մըն ալ կը շարադրէր (1302), որ Հակածառութիւն ընդդէմ երկաթնակաց անունով տպագրուած է Նայեան Յակոբ պատրիարքին օրով (1755): Այդ հերքումը գրեկէն քիչ հոսքը վախճանեցաւ Ստեփանոս Օրբելեան լի արդեամբ (1304), բայց իւր մահուամբը Արևելեայ վարդապետներուն խումբը ժիր գլուխէ մը զրկուեցաւ, և Օրբելեան Յովհաննէս, որ իւր ազգականին յաջորդեց, անոր հոգին ունեցաւ, բայց կարողութիւնը չունեցաւ, որչափ ալ Սիւնեաց իշխան և արքեպիսկոպոս էր միանգամայն: Միակ օրինակն է նա մեր պատմութեան մէջ, եկեղեցական դասի պատկանող աւատապետ իշխանի մը, որպիսիք բազմաթիւ էին Արևմուտքի մէջ, և ինչպէս էր նոյնիսկ Արևմուտքի հայրապետ Հռովմի պապը:

149. Արևելեայց հակառակութիւնը ջլատուած էր Ստեփանոս Օրբելեանի մեռնելովը, և Կիլիկիոյ ներքին շփոթները հանդարտուած էին Թորոսեան Լևոնի թագաւորութեամբ և Հեթումի թագաւորահայրական հսկողութեամբ: Անաւարդեցին նորէն պատեհ գտաւ իւր առաջին գաղափարը առջև մղել, և ազգային ժողովով իւր կազմած տօնացոյցն ու յայտնաւորքը և փոփոխած ծէսերն ու կանոնները հաստատել տալ: Այդ նպատակով շրջաբերական հրաւէր կարդաց ամեն եպիսկոպոսներու, առաջնորդներու և վարդապետներու, որպէս զի գան գումարուին Սսոյ կաթողիկոսարանը, և ազգային ժողովով պէտք եղած բարեկարգութիւնները սահմանեն: Հռովմայի աթոռը կործանուած լինելով Ստեփանոս կաթողիկոսի գերութեան տակ, Գրիգոր առաջին կաթողիկոսն եղաւ, որ հաստատապէս աթոռը Սիս փոխադրեց (1293),

ուր և ֆնաց աթոռը մինչև որ անտի էջմիածին փոխադրուեցաւ զարուկէս ետքը (1441): Կերեի թէ Անաւարդեցին չէր ծածկեր իւր առաջարկութիւնները, այլ ի հարկէ անոնք գեղեցիկ երանգներով կը զարդարէր, ազգային եկեղեցւոյն վիճակը պակասաւոր ցուցնելով, և օտարներուն վիճակը բարձրացնելով, այլ և միանգամայն ամեն բան ժողովական հաւանութեան ենթարկելով: Թէպէտ և չունենք Անաւարդեցիին գրութեան պատճէնը, այլ կը տեսնենք որ Յովհաննէս արքեպիսկոպոս Սիւնեաց և Ջաքարիա արքեպիսկոպոս Արտազու, պատահական խորհրդակցութիւն մը ունեցած են Դավրէժ քաղաքը, ուրիշ եպիսկոպոսներու և վարդապետներու մասնակցութեամբ, և կարծիքներ փոխանակած են Անաւարդեցիին մտածած նորութիւններուն վրայ, ինչպէս են բաժակին ջուրը, ծնունդին տօնը, և այլն: Բայց համաձայնութիւն չեն կրցած գոյացնել, զի Յովհաննէս պնդած է հինին պահպանութեան վրայ, իսկ Ջաքարիա զիջողութեան միտումներ է ցուցած (Չամչ. Գ. 305): Ուրիշ նշանաւոր անձանց մէջ, որք Անաւարդեցիին կողմանէ յատկապէս հրաւիրուեցան, կը յիշուին Բջնոյ արքեպիսկոպոսը և Վարազայ առաջնորդը, Յովհաննէս Երզնկացի և Նսայի Նչեցի վարդապետները:

150. Կ'երեի թէ Անաւարդեցիին բարեյոյս էր իւր նպատակին հասնելու, զի թագաւորն ու թագաւորահայրն համամիտ էին արդէն, Կիլիկիոյ եպիսկոպոսութիւնը շահուած էր, Արևելեան եպիսկոպոսներէն ոմանք համաձայն էին, և ընդդիմադիրներ հաւանաբար բացակայ կը ֆնային: Այլ Գրիգոր չկրցաւ իւր ականակած յաջողութիւնը տեսնել: Ղազար Ջահկեցի իւր գաւազանագիրքին մէջ, գրաւոր թէ անգիր աւանդութենէ քաղելով կը յիշէ, թէ օր մը երբ իր աթոռին վրայէն հայհոյէր զառաջին սուրբ հայրապետս մօր, ի հարկէ իւր նորութեանց յարգը զրուատելով, աթոռէն ինկաւ և դիտհարեցաւ, իմա կաթուածահար եղաւ կամ վերնոտեցաւ, և քիչ օրէն վախճանեցաւ (1307 սկիզբ): Սմբատ պատմիչ պարզապէս կըսէ թէ մեռաւ Տէր Գրիգոր կաթողիկոս (Սմբ. 127), սակայն նա միշտ ձոխ չէ իւր պատմական մանրամասնութեանց մէջ, մանաւանդ իւր գործին վերջին գլուխներուն մէջ: Գրիգորի մահուան թուականը ճշտիւ չենք գտներ ուրեք, այլ յայտնի է թէ մեռաւ նա ժողովի բացումէն քիչ յառաջ, որ տեղի ունեցաւ ծաղկազարդի օրը (1307 մարտ 19): Գրիգորի ժողով մը հրաւիրած լինելը, և իւր մահուանէ անմիջապէս ետքը ժողովին գումարուելը, բաւական են ցուցնել թէ Գրիգոր մեռաւ ժողովին բացումէն քիչ առաջ, և թէ այն միեւնոյն ժողովն է, որուն եկած էին եպիսկոպոսներ կաթողիկոսի հրաւերով, և շատեր հաւանաբար ներկայ եղան

կաթողիկոսին մահուան և յուզարկաւորութեան: Ժողովը գումարուեցաւ Սսոյ կաթողիկոսարանը, հրամանաւ և իշխանութեամբ թագաւորին և թագաւորահօրն, որք ամենայն հաւատարմութեամբ հետևող էին Անաւարդեցիին ուղղութեան, եթէ նոյն ինքն Անաւարդեցին Հեթումին հետևողը չէր, ինչպէս շատեր կը կարծեն: Ժողովը նշանաւոր եղաւ իւր տեսակին մէջ իբրեւ նուիրագործում լատինամիտ ուղղութեան, որ սկսած էր Կիլիկիոյ մէջ տիրապետել, և որ իւր պերագոյն գագաթնակէտը հասաւ այս առթիւ: Ժողովին նախագահ բազմեցաւ Կոստանդին արքեպիսկոպոս Կեսարիոյ և անկէ զատ գտնուեցան այլևս քառասուն եպիսկոպոսներ, որոնց քսանհինգը Կիլիկիոյ և փոքր հայոց գաւառներէն, և տասուերեքը արևելեան վիճակներէն, այսինքն են, Երիզա, Բաբերդ, Բասէն, Անի, Կամախ, Մարանդ, Սասուն, Ճապաղջուր, Խորձեան, Մեծկերտ, Չմշկածագ, Մժնկիրտ և Օծոց: Երկու եպիսկոպոսներ ալ հետևոր գաղթականութիւններէն էին: Յուսիկ եպիսկոպոս Կոստանդինուպոլսոյ և Եսայի եպիսկոպոս Թեսաղոնիկէի: Եպիսկոպոսներէն զատ կը յիշուին տասուերկու վարդապետներ և եօթը վանահայրներ, և ոչ սակաւ աւագերէցներ և քահանաներ, և բազմաթիւ իշխաններ:

151. Ժողովը իւր առաջ ունեցաւ գրութիւն մը, զոր ներկայեց Հեթում թագաւորահայր, իբրեւ հանգուցեալ կաթողիկոսէն իրեն ուղղուած իւր վերջին կամբը: Այս թուղթը, ինչպէս այսօր հասած է մեզ Կալանոսի պատմութեան մէջ, գրուած է ռամկօրէն լեզուով և ստորին ոճով. Կաթողիկոսը թագաւորահօր կը յանձնարարէ որպէս զի լիապէս հաւանի իւր առաջարկութեանց, զորս կը փաստաբանէ իբրեւ օգտակար և կարևոր, և իբրեւ համաձայն վարդապետութեան մեծ եկեղեցւոյն Հռովմայ: Միանգամայն կ'առաջարկէ դաւանական ոճով խոստովանութեան գիր մը և իւր կարևոր կարծած կանոնական փոփոխութիւնները: Այդ ամենը պարունակուած է յետագայ ինն գլուխներու մէջ, որք յետոյ նկատուեցան իբրեւ գլուխք Ժողովոյն Սսոյ, և եղան քար գայթակղութեան և պառակտմանց պայծառ ազգիս մէջ: Ինն գլուխներն են. 1. Ընդունել ի Բրիտտոս երկու բնութիւն, երկու կամք և երկու ներգործութիւն: 2. Սուրբ աստուածին մէջ աւելցնել Քրիստոս բառը: 3. Ծնունդին տօնը զեկտեմբեր քսանըհինգին կատարել, և անոր յարակից տնօրինական տէրուներնրը նոյն հաշուով փոխել, և սրբոց տօներն ալ կատարել ըստ ամսաթուի և ըստ յայտնաւորաց, 4. Երկու շաբաթապահ պահել ծննդեան և յայտնութեան, ծննդեան բարեկենդանը հաշուելով զեկտեմբեր 18-ին և յայտնութեանը զեկտեմբեր 30-ին: 5. Ծննդեան և յայտնութեան ճրագա-

լոյցները ձուլելով ու ձէթով լուծել, կաթն ու իւղը մերժելով: 6. Պատարագի մատուցման համար իւրաքանչիւրին իւր աստիճանին համեմատ զգեստաւորել: 7. Պատարագի սեղանին վրայ գործուրայ կամ մարմնակալ գործածել: 8. Պատարագի բաժակին ջուր խառնել: 9. Ընդունել հաւասարապէս եօթը տիեզերական ժողովները, որ է ըսել, առաջին երեքէն զատ, Քաղկեդոնի, Կոստանդնուպոլսոյ երկրորդ և երրորդ, և Նիկիոյ երկրորդ ժողովներն ալ: Այդ գլուխներէն առաջինն ու վերջինը, քանիցս Յսնաց կողմանէ պահանջուած կէտերն են: Եթէ լատիններուն համաձայնիլ պէտք ըլլար, պէտք էր, որ մինչև չորեքտասաներորդ ժողովը հասնէին, աւելցնելով նաև Կոստանդնուպոլսոյ չորրորդ, Լատերանեան առաջին և երկրորդ և երրորդ և չորրորդ, և լուգտանեան առաջին և երկրորդ ժողովները: Երկրորդ, երրորդ, չորրորդ, հինգերորդ և ութերորդ գլուխներն ալ քանիցս Յոյներէն պահանջուած ծիսական փոփոխութիւններն են, իսկ վեցերորդ և եօթներորդ գլուխները աննշանակ կէտեր են, որք մտածել կուտան, թէ Հայերը եկեղեցական զգեստաւորութիւն չունէին, կամ սեղանի վրայ սփռոց չէին գործածեր արդեօք:

152. Պէտք է ենթադրել որ ներկայ ժողովականներ մեծ դժուարութիւն հանած չլինին այդ գլուխներու դէմ, և կամ իբրև հանգուցեալ հայրապետի նուիրական կամք, կամ թէ իբրև քաղաքական իշխանութեան բռնադատիչ հրաման, ընդունած ըլլան առաջարկեալ գլուխները: Սակայն կրնանք արդեօք ապահովաբար հաստատել թէ իրօք Անաւարդեցւոյն գրուածն էր Հեթումի մէջ տեղ բերած թուղթը: Կաթողիկոսը մեռած էր, և չէր կարող դիտողութիւն ընել, նորա կնիքը ուրիշի ձեռք ինկած էր՝ որ կարող էր ուզածին պէս գործածել, և զարմանալի է որ թագաւորի արքունիքէն կ'ելլէր այդպիսի գիր մը, և ոչ կաթողիկոսարանի եպիսկոպոսներուն ձեռքէն: Գրուածին ստորին լեզուն անվայել էր կրօնական և պաշտօնական գրութեան, և անյարմար էր Անաւարդեցիին անձին, որ գրագէտ անձ մը եղած էր, և բոլորովին անլուր նորութիւն մըն էր ուսմիկ լեզուով եկեղեցւոյ և հաւատոյ գիրեր պատրաստել, երբ նոյն իսկ հայրապետական սովորական թղթակցութիւնը գրոց ընտիր լեզուով կը գրուէին: Որչափ ալ հնար է ըսել, թէ ներկայ եպիսկոպոսներ կրնային դիտողութիւն ընել եթէ կասկածելու տեղի ըլլար, սակայն դիւրին է պատասխանել, թէ քանի որ արքունի կամք մը կ'իշխէր ժողովին, և ժողովականներուն մեծամասնութիւնը շահուած անձեր էին, և գործերուն ձեւը նախապատրաստուած ընթացքի մը կը հնազանդէր, և գործին հետեանքը գործնական արդիւնքէ զուրկ պիտի մնար:

եպիսկոպոսներ և ժողովականներ կրցան աւելորդ նկատել որևէ դիտողութիւն, և զիջողական տկարութեամբ, և առանց ժողովական վիճաբանութեանց, օրը օրին գործը փակեցին և մեկնեցան: Ընդունելով հանդերձ թէ Անաւարդեցիին ուղղութիւնը կատարելապէս օտարամիտ էր, միք տակաւին չենք կրնար Անաւարդեցիին վերագրել իր անձին անվայել և իւր կարողութեան անյարմար գրուած մը: Որչափ ալ Անաւարդեցիին բռնէր իւր նպատակին հասնել, սակայն նա յանձն չառաւ երբէք ինքզինքը ստորնացնող բան մը ընել, և իւր ընթացքին մէջ ցուցուց և պաշտպանեց այն սկզբունքը, թէ առանց ազգային ժողովոյ պէտք չէ ինչ գործել, և այս սկզբամբ յարգեց միշտ Արեւելեայց հակառակութիւնը, և վերջնական քայլ մը չառաւ:

153. Հոովմէականք մինչև ցայսօր մեծ ոյժ կուտան Սսոյ ժողովին, իբր այն թէ Հայոց ազգային եկեղեցւոյն աւանդական հաւատքը կը պարունակեն անոր ինն գլուխները: Եթէ կուզեն ծանրակշռութիւն տալ Հայոց ազգային ժողովին, պէտք է բաղդատեն զայն հնագոյն բազմաթիւ ժողովներուն հետ, որ շարունակ մերժած են Սսոյ ժողովին ընդունածները, և նաև յետնագոյն ժողովներուն հետ, որք մերժեցին անոր որոշումները: Նոյնիսկ յիշեալ ժողովին իւր մէջ ցուցած տկար կողմերը դիտողութեան արժանի են, քանի որ որոշումները կը հիմնուին գոհնիկ գրուածի մը վրայ, որք ընդհանուր ընդունելութիւն և գործադրութիւն չունեցան, և հազիւ թէ արքունական կամքի գորութեամբ կարճ միջոց մը Սսոյ քաղաքին մէջ գործածուեցան, իսկ դուրսը կռիւներու և հակառակութեանց հանդիպեցան: Ինն գլուխներէն վեցերորդը միայն, զգեստաւորեալ պատարագելը, գործադրուած կը տեսնենք, բայց այն ալ հնաւանդ սովորութեան և 1204 տարուոյ ժողովին վերանորոգուած էր, պատահական խափանում մը բառնալով: Ո՞ր թողունք որ Սսոյ ժողովը ոչ բոլոր հայ եպիսկոպոսներու գումարումն էր, ոչ հայրապետական իշխանութեամբ զօրացած էր, այլ լոկ արքունական իշխանութեան գործ էր, որով պէտք է որ Հոովմէականք ընդունեն, թէ Սսոյ 1307 տարուայ ժողովը, և ոչ իսկ կանոնական ժողով մը կրնայ համարուել, նոյն իսկ իրենց պաշտպանած սկզբունքներուն համեմատ, և յետագայ դէպքերն ալ հաստատեցին թէ ինչպէս անգոր էին Սսոյ ինն գլուխը կոչուած որոշումները:

ԵՐԿՈՒ ԸՆԿԵՐ

I

Ամառ եկաւ, երկինքն առաւ,
Ծնեց մրրիկ կասաղի.
Փոքորկի հեռ հեռու թաւ
Հոգիս անսանձ, ամենի:

Այնտեղ, անծիր ոլորներում
Հոգիս ընկեր փոքորկին
Թռչում է միշտ, առաջ սուրում...
Ահ չգիտէ իմ հոգին:

ՄԻԱՅՆ ՄԻ ԺՊԻՏ

II

Միայն մի ժպիտ սիրավառ դէմքին՝
Փայլուն, սրաբուղիս, անմեղ ու սեղոյշ.
Եւ զարնանաբեր իմ կեանքի շէմքին
Խոցուած, նեղահար ընկած եմ անոյժ:

Եւ մասաղ կեանքիս բացուած վերերից
Արիւն է հոսում՝ եռուն, փրփրալից.
Իմ կեանքն է հոսում, եւ ես կը մարեմ,
Դեռ նոր հաճանչած մի շող աննստեմ...

ՅԱՐՈՒԹԻՒՆ, ՊԵՏՐՈՍԵԱՆ

ՏԱՆՋՈՒԱԾԸ

I

Ճլր՛փ, ճլր՛փ, ճլր՛փ... Թափւում էր հալուող ծիւնների չուրը կտուրներից և Թիթեղեայ խողովակներից. փողոցներում կազմւում էր առուականման հոսանքներ և հոսում ընթացքի յարմար ուղղութիւնների վերայ:

Վաստ օր էր. խստասիրտ երկինքը մռայլ էր ու դաժան. մուգ, Թանձր, կուտակուած ամպերից տեղում էր ծնախառն անձրև. օդը փոքր ինչ տաք էր, և հէնց այդ տաքութիւնից էլ սաստիկ հալ՛լոց էր. մանաւանդ անձրևը՝ աւելի էր նպաստում հալուելուն: Խիտ ամպերի արանքից արեգակի մի շող անդամ չէր Թափանցում խոնաւ երկրի վրայ: Փողոցներում սարսափելի ցեխ էր, անց ու դարձողների Թիւր շատ. նրանցից շատերը հովանոցները պլխներին, տաք վերարկուների մէջ փաթաթուած, բետինի պսպղուն կրկնակօշիկները հագներին՝ ուրախ, զուարթ դէմքերով՝ հապճեպով քայլում էին լարժուն մայթերի վրայով ու անցնում հեռանում. նրանց փոյթը չէր՝ Թէ ծիւն է, անձրև, եղանակը խիտ ու պլանդակ. նրանց ոչ մի բանին չէր խանգարում օրուայ վատութիւնը. նրանք ամեն միջոց ունէին ազատ մնալու գրանից: Եւ դալիս էին՝ նոր մարդիկ, նոր դէմքեր, նոր խմբեր՝ բոլորը հագնուած, ոմանք պննուած, զուգուած, ոմանք, Թէև հասարակ, բայց ամուր հագնուած. մի խօսքով ոտներին տաք, մարմինները ամուր... ու անցնում էին հեռանում... Գալիս էին ու անցնում և այդպէս անվերջ...

Նոյն այդ մարդաշատ մեծ փողոցի մայթի վրայ կանգնած չր մի կիսամերկ, Թշուառ մարդ. դժնդակ կեանքի հարուածներ օւնէր այդ մարդը իր վրայ, ասես քմահաճ բաղդը՝ խաղեր էր խաղացել նրա տառապող դլխի հետ. նրա մի ձեռքը ծոցումն էր, միւս ձեռքը՝ որպէս մի անշարժ փայտի կտոր կա-

խուած էր աշ ուսից. նրա զղեսար պատառոտուն էր, ծուռ-
տուած փէշերով. անսրինակ ու կեղառտ լաթերով կարկատած
էր նրա ծնկները, թիկունքը ու ծախ թևի արմունկը. մի ոտ-
քին հաղած ունէր հին, երեսը ճղուած կրկնակօշիկ, միւս ոտ-
քին նոյնպէս հին, ծրմուռած ու ճղնկաւած կոշիկ. նրա ուս-
քերը բաց էր, երևում էր սառած, կապուտած կաշին...

Այդտեղ կանգնած՝ նա հետամուտ էր լինում լաւ հաղ-
նուած մարդկանց՝ հարուստներին և հացի փող պահանջում. ո-
ղորմութիւն չէր խնդրում, այլ մօտենում էր ու ասում.

— Քաղցած մարդ եմ, տուէ՛ք ինձ հացի փող:

Իսկ մարդիկ անտարբերութեամբ երեսները թեքում էին
հեռանում, ուշադրութիւն չդարձնելով նրա խօսքերին, երբեմն
սառնութեամբ նայում էին նրա նողկալի արտաքինին, սմբած
դէմքին, և ասես թէ զգուանքներն էր շարժում այդ խեղճ ա-
ւերուած մարդը, որ խոր խոցեր ունէր իր սրտի մէջ, իր ցա-
ւոտ կրծքի տակ:

Այսօր նա ամեն անգամ մերժւում էր և լուրթեամբ ետ
կանգնում, և երբ տեսնում էր մի ուրիշն է գալիս, մօտենում
էր կրկնում նոյն խօսքերը, նոյն ցաւոտ ու պահանջող շեշտով.
այդպէս մի քանի անգամ պահանջեց, մերժուեց ու ետ կանգնեց:

Ահա գալիս են երկու գեր, հաստափոր պարոններ:

Թշուառականը մօտեցաւ նրանց և ձեռքը ծոցից հանելով
ասաց.

— Պարոններ, քաղցած մարդ եմ, տուէ՛ք ինձ հացի փող:

Պարոնները մերժեցին:

— Աստուած տայ, ասացին նրանք ու անցան:

Մարդը վերստին ետ կանգնեց, դարձեալ ձեռքը դրեց ծոցը:

— Աստուած տայ... մրմռաց նա ու մի թունոտ հայեացք
ձգեց անցնող պարոնների վրայ. — Ո՞ւմ միջոցով տայ... Հա՛, Աս-
տուած տայ, ո՞ր Աստուածը... էն, որ անունը կայ ինքը չկա՛յ...
Հմմ. աղիքներս գալարւում են— Աստուած տայ. սոված որդր
կրծում է ներսս, — Աստուած տայ... Հը՛, Աստուած տայ: Դէ
տուր. նա ձեռքը հանեց ծոցից ու բարձրացրեց վեր, և խօսքերը
ուղղեց դէպի երկինք, ապա իջեցնելով ցած մրմնջաց ժաղրով.

— Տեսնո՞ւմ էք, հաց չի տալի քաղցածին, ձեր նանաչած Աստուածը:

Ու մէկ էլ նորից վերև նայեց:

— Խենթ է՛... ասաց մի անցորդ ու դարձաւ ընկերոջը.

Տես ինչ է պնտմ:

Ընկերը անանելով Թշուառականի վեր ուղղած հայեացքը և երկարացրած վիզը, որից այլանդակորէն դուրս էր ցցուել բզի ոսկորը՝ երկար ու բարձր քրքշաց:

Մարդը ընդունեց իր նախկին անյոյզ դիրքը:

Շտապով քայլում էր մի դեղեցիկ պարոն հովանոցը գլխին, և մի ոսկրոտ ծառայ էլ նրա ետևից՝ լիքը կողովը ձեռքին: Թշուառը նետուեց դէպի պարոնը, և ուղիղ նայելով նրա աչքերի մէջ վստահ ու պահանջող ձայնով ասաց.

— Պարոն, տո՛ւէք ինձ փող, քաղցած եմ:

— Քաղցած... կրկնեց պարոնը. — ձեռքիս ոչինչ չկայ հաւատայ:

— Մարդ եմ, մարդկանց մէջ և քաղցած, ասաց Թշուառը նոյն վստահ ձայնով. — Տուէք ինձ հացի փող:

— Չկայ, ասում եմ. խստութեամբ ասաց պարոնը ու իշաւ մայթից, մի քայլ արտաւ ու կրկին բարձրացաւ մայթի վրայ: Ծառան, որ մինչև այդ կանգնած կատաղի աչքերով նայում էր խեղճին՝ հետևեց իր պարոնին... Թշուառականը նայեց նրանց ետևից, նայեց հացով լի կողովին՝ որ իր քաղցած ախորժակն էր գրգռում:

— Չկայ, կրկնեց նա ինքն իրան. ապա մի ինչ որ դրդուժով՝ վազեց նրանց ետևից. Թոյլ ոտքերը հաղիւ փոխելով հասաւ ծառային՝ ձեռքը մեկնեց և կողովից վերցրեց սպիտակ հացի մի փոքրիկ կտոր ու ազատաբար սխեց ծամել:

Ծառան խկոյն նկատեց:

— Ի՞նչ ես անում, լիմար. գոռաց նա և բռնեց խեղճին՝ աշխատեց խել հացի կտորը: Աչք միջոցին պարոնը ետ նայեց և բարկացած հրամայեց ծառային.

— Խփի՛ր այդ անպիտանին:

Պարոնի հրամանը լսելուն պէս, ծառան չարձակուեց

Թշուառի վրայ և ոսկրոտ ձեռքով երկու անգամ ուժգին խփեց նրան ծնոսին ու մի անգամ էլ ոտքով խփեց վախած ծնկներին, որ նա ընկաւ ցեխոտ մայթի վրայ, բայց ոչինչ չխօսեց՝ քնաց լուռ հացի կտորը ձեռքին. քիչ յետոյ դժուարութեամբ բարձրացաւ ու սկսեց արիւն թքոտել: Հարուածներէց նրա բերանը արնել էր՝ արիւնով լցուել: Մի կողմից արիւն էր թքում, մի կողմից էլ ծամում հացը: Ձնախառն անծրեւր թափւում էր նրա թիկունքին, բաց գլխին, որից հէնց նոր ընկաւ իւղածածկ գլխարկը ցեխի մէջ:

Պարոնը մօտեցաւ նրան, հրեց հովանոցի կոթով և ասաց.

— Ինչո՞ւ հացը գողացար.

— Ինչո՞ւ, չիմացար որ ասի քաղցած եմ:

Մօտեցող ոստիկանը երկու անգամ հրացանի սուլինով խփեց նրան և լղաւեց.

— Կորի՛ր, դու սատանայ:

Թշուառականի հիւանդոտ աչքերը փայլեցին. երկիւղի նշան խաղաց նրա նիհար դէմքին. նա ետ-ետ քաշուեց՝ երկչոտութեամբ որոնելով ընկած իր ցաւերի ու տանջանքների լուռ վկայ գլխարկը. տեսաւ, և վերցնելով թափ տուեց վրայի ցեխը ու ծծած շուրը. ապա հացը ծամելով, երբեմն-երբեմն էլ արիւն թքելով՝ դանդաղութեամբ քայլեց պարոնի գնացած ճանապարհով. նա քայլում էր շատ դանդաղ. մի ոտքը գցում էր առաջ և միւսը հազիւ քաշում նրա ետեւից. իսկ աչ թւեր օրօրւում էր ինչպէս թոյլ մեխուած մի փայտի կտոր: Պարոնն ու ծառան շատ հեռու չէին, նա ուղում էր հասնել նրանց. հասնելը շատ հեշտ էր, բայց Թշուառականի ոտքերն անգոր էին ու թոյլ. նա եղնում էր քայլել շուտ-շուտ, արագ-արագ. սակայն ոտքերը, այն ցաւոտ ոտքերը չէին հնազանդւում նրա կամքին. և նա աչքերը ձգած պարոնի և նրա ծառայի վրայ՝ քայլում էր որքան ոյժ ունէր: Առատ շապլքով պճնուած հասարակութեան մէջ, նա երևում էր՝ ինչպէս մի փալատ, գեղեցիկ, նոր շրջերի շարքում:

Մօայլ երկինքը աւելի կախուել էր ցած. կառուրներից ծնալուրը կաթ-կթում էր միակերպ, սաղակալի ճրվիոցով: Մարդը

սլիկեց և ընկաւ գետին. ծախ ծեռքով լենուեց վերկացաւ ու շարունակեց քայլել՝ իր ցաւոտ ընթացքով: Տեղ-տեղ մարդկանց բաղմութիւնը՝ նրա աչքից ծածկում էր պարոնին ու ծառային. բայց նա՝ նրանց ամեն մի քայլին հետամուտ էր լինում:

Պարոնը ծառայի հետ ծռուեց մի ուրիշ փողոց. տունը ռաժ մարդի հետևող աչքերը նկատեց այդ, և նա ճիգ գործ դրեց՝ որքան կարելի է շուտ հասնել: Ինքը առաջ էր ընկնում, իսկ ոտքերը ետ էին մնում. աչ ծեռքն էլ ասես նրա համար մի աւելորդ բեռ էր:

— Յողնել է՞ք, իմ թանկագին ոտքեր. ինքն իրան խօսում էր նա:— Շատ էք քայլել, այնպէս չէ՞. կեանքի քարոտ ճանապարհը մաշել է ձեզ... Օ՜Փ... քայլեցէք, պարոնը դնաց ծառայի հետ... Վերջին խօսքերը արատասանեց՝ թոյլ ծիծաղով, և այդ ժամանակ նրա դէմքին փայլեց մի կծու, հեղնող ժպիտ:

Հասաւ այն անկիւնը, որտեղից ծռուեց պարոնը՝ փոքր ինչ կանգ առաւ, շունչ քաշեց, մի քանի տնդամ խոր հոգւոց հանեց, ապա նայեց փողոցի ուղղութեամբ, բացի պարոնից ու ծառայից՝ ոչ ոք չկար փողոցում. կար երկու շուն, որոնք հոտ-հոտալով ոսկոր էին փնտրում:

— Հը՛րմ... խոր մտածման մէջ երկարացրեց նա:— Դրանք ինձանից բաղդաւոր են. ոստիկանը դրանց աղաւա շրջելուն արդեւ չի լինում. իսկ ինձ քանի՞ անգամ են հայցոյել ու... էէ՛:

Նա շարժուեց և մի փոքր արագ քայլեց առաջ. պարոնը այժմ հեռացել էր, հովանոցը դիտին ծառայի ետևից էր քայլում: Մարդը հեալով փոխում էր ոտքերը և երբեմն հողում՝ արիւն թքում. նա արդէն հացի կտորը կերել, վերջացրել էր, բայց ներսը սոված որդը դեռ չէր հանգստացել, նա պահանջում էր էլի—էլի՛:

Մօտենում էր պարոնին, մի քանի քայլ էր մնում փոխելու և ահա կհասներ, ինչ ուղում էր ասել՝ կասէր, կխօսէր...

— Պարոն, ծայնեց նա հեացող ծայնով, և մեծ ու լայն գցեց քայլերը:

Պարոնն ու ծառան միաժամանակ ետ նայեցին ու էլի շարունակեցին քայլել:

— Պարոն, մէկ էլ կրկնեց մարդը:

Այս անգամ պարոնը կանգնեց. ծառան նոյնպէս:

Տանջուած մարդը հասաւ նրանց ու զլխարկը մեկնելով
ասաց.

— Ա՛ռ, պարոն. առ զլխարկս քո հացի տեղ. ապա արիւն
թքեց, լետոյ կոշա հագաց:

Պարոնը երեսը կնճռեց ու խիստ զայրացաւ:

— Կորիւր, աչ խենթ:

Ու սկսեց քայլել:

— Խե՛նթ... Կրկնեց թշուառը. սյո, խենթ... Կանգնիր,
պարոն, մի շտապի, խօսք ունեմ ասելու:

— Գի՛ժ է, պարոն. նկատեց ծառան:

— Այո, խենթ է. հաստատեց պարոնը:

Նրանք անցնում էին նեղ, ցեխոտ փողոցով. մօտեցան մի
տան, մուտքի առաջ կանգնեցին. պարոնը հովանոցը ծալեց և
թափ տուեց:

— Պարոն. լսուեց «խենթի» ձայնը:

— Օհ, անիծեալ, ի՞նչ է ինչ. զայրացկոտ ասաց պարոնը
ու դարձաւ ծառային.

— Տուր ինձ կողովը, իսկ դու՝ այդ չիմար խենթին հեռա-
ցրու այտեղից. շուտ... հրամայեց նա ու ներս մտաւ:

— Պարոն, խօսք ունիմ ծեղ ասելու. ասաց խեղհը:

— Կորիւր. լսուեց պարոնի նեղացած ձայնը:

— Տօ զի՛ժ, կորի է՛. սպառնալից խօսեց ծառան: — Ի՞նչ
ես սոված շան նման աչքդ դցել պարոնի շիրին: Քեզ ասում
եմ հեռացի. դէ, թէ չէ հօ... նա ցոյց տուեց բռունցքը—այ,
ատամներդ կփշրեմ. խօս տեսար սրանց ուժը. դէ, հեռացի ա-
սում եմ էէ... կփշրեմ:

Տանջուած մարդը կանգնել էր և աչքերը սևեռել տան
մուտքին. նա ոչինչ չէր խօսում, լուռ էր. բայց ներսը խօսում
էր, և ասես մի բան, շատ խորհրդաւոր բան կար թաղնուած
նրա տանջուած հոգում, նրա ցաւոտ կրծքի տակ: Նա դառն
ու կծու ժպտաց:

— Հեռացիր է՛...

— Խօսք ունիմ պարոնի մօտ:

— Դէ կորի՛ է, դիժ հայւան, ուժգին բոթելով տասց ծառան:

— Խեղճը սայթաքեց ու վայր ընկաւ քարերի վրայ. այդ ընկնելուն՝ սաստիկ պէտք է ցաւէր, սակայն տսես նա ցաւ չր զգաց. վեր կացաւ զննող հայեացքով նայեց տանը, մուտքին. ինքն իրան ինչ որ մըմօաց ու քայլեց եկած ճանապարհով:

Ձնախառն անձրևը դեռ շարունակուում էր թափուել. տհաւոր ամպերը հեռւոյնէ թանձրանում էին ու խառնում. հալուածքից գոյացած առուակները՝ հոսում էին կառքերի անիւների ախօսած տեղերով. իսկ կառուրներից ձնաշուրը թափւում էր, թափւում:

Նա՛ այն աւերուած մարդը, դարձեալ գնում էր այն բաղձամարդ փողոցը, որտեղ անց ու դարձ էին անում՝ կեանքի տէրերը, կեանքի ծովում լողացողները. նրանք՝ որոնց ժպտում էր քմահաճ բաղդը. նրանք՝ որոնք ապրում էին լի ու առատ, հանգիստ խաղաղ. նրանք՝ որոնք անտարբեր, անկարեկից են դէպի թշուառը, դէպի խեղճը, և նրանք՝ որոնց սրտերը քար է, հայեացքները սառն ու արհամարհող...

— Այո, քար են, բոլորը քար են. շուրջս ամեն ինչ քարից է, տները, պատերը, փողոցները... և մարդիկ, մարդիկ... Խօսում էր նա և քայլում ցաւոտ դանդաղութեամբ. նրա շորերը թրջուել, ջուր էր դառել...

Եւ նա դարձեալ քայլում էր...

II

Նոյն օրը երեկոյեան, երբ արդէն ծիւնը դադարել էր, հալուող ծիւները սառել, բարձրացել էր սառնաշունչ ցուրտ քամի՝ տանջուած մարդը կանգնել էր իր առամները արնացնել տուող պարոնի տան առաջ: Նա ուղում էր մտնել ներս, գնալ պարոնի մօտ և տսել նրան այն բոլորը, ինչ որ զիտէր, ինչ որ մթերուած էր իր ճնշուած կրծքի տակ. բայց ստատանուում էր, չգիտեր ինչ անել. ապակեփայլ աչքերը գցել էր տան մուտքին, և նայում էր երկա՛ր, զննողաբար հայեացքով... Ահա մի քայլ

առաջացաւ ու կանգ առաւ. նա վախեցաւ՝ թէ մի գուցէ կը պատահի այն անողորմ ծառային. մի քայլ էլ արաւ ու կանգնեց մի վայրկենաչափ, ապա վճռական քայլերով բարձրացաւ երկրորդ հարկը. նա արդէն տեսել էր՝ թէ որ դրնով որ սենեակը մասաւ նա, այն պարոնը: Բարձրացաւ պատշգամբ, մօտեցաւ սենեակի դրան՝ կանգնեց սրտի բաբախունով ապակիներէից նայեց ներս՝ աչքովը ոչինչ չընկաւ, մի քանի անգամ ետ նայեց, էլի ծառայիցն էր վախենում, տեսաւ ոչ ոք չկայ, սրտապնդեց ու ուժգին հրեց դուռը, որ մեծ թափով դիպաւ պատին, ապակիները զնգզնգացին ու սղմուկ բարձրացրին. ինքը մասաւ ներս, այդ ծայնին մի ուրիշ սենեակից վազեց այն զեղեցիկ պարոնը և յանկարծ կանգնեց մեխուածի նման, չռած աչքերը ձգեց խեղճի վրայ, և ասեա թէ սարսափեց տարօրինակ, անժամ այցելուից. նա իսկոյն ճանաչեց, թէ ով է այցելուն. ըստ երևոյթին լքումը տիրել էր նրան:

Այցելուն ոչինչ չխօսեց. վստահութեամբ մօտեցաւ մի աթոռի և նստեց վրան: Նա իր ցնցոտիներով ու խճճուած մազերով մի զգուշի կեղտոտ առարկայ էր, այդ շքեղ կահաւորուած սենեակի առարկաների շարքում. եղկելի դէմքին մի տեսակ ժպիտ էր նկատուում, որով կարծես հեղնում էր, այդ բոլոր զարդարանքները, այդ բոլոր կարասիքը և դրանց վայելողի զարմանքն ու սարսափը, և կարծես ասելիս լինէր՝ «ինչո՞ւ ես ապշել...»: Քիչ չետոյ նա փոխեց ժպիտը և բարեկամական հայեացքով սկսեց նայել պարոնին, որը արժանացել էր իր տեղում և աչքերը զարմանքից չռել:

— Ի՞նչ ես կամենում. հարցրեց տանտէրը առաջ գալով:

— Ի՞նչ... ես ոչինչ չեմ կամենում, այնպէս սիրտս ուզեց եկայ:

Պատասխանը չափազանց տարօրինակ էր, տանտէրը դուռնատուեց. նա երևի մոտածում էր, որ այդ մարդուց վատ հոտ էր փչում, ի՞նչ ունէր որ եկել էր իր մօտ, խենթ մարդ է, չլինի թէ իր կեղտոտ լաթերի ծալքերում մի բան պահած լինի, ու հանի վնասի... նա անհանգստութեամբ հարցրեց.

— Ինչո՞ւ համար եկաք:

— Ե՞ս:

— Հա, դուք:

— Ես եկայ ձեզ տեսնելու. անվրդով ու անշոյղ պատասխանեց մարդը:

— Ինձ տեսնելու... ո՞վ ես դու:

— Փողոցի մարդ, որ բերանս արիւն լցնել տուիր. ասաց թշուառականը ու ժպտաց:

Պարոնը աւելի դունաւորեց. նա դիտէր և ճանաչում էր, որ այն մարդն է, որին իր հրամանով ծառան խփեց ատամները արնացրեց. բայց ի՞նչի է եկել, արդեօք վրէժ առնելու, թէ մի ուրիշ բանի:

Մարդը զգաց, որ պարոնը երկիւղ քաշեց և վախեցաւ իր ներկայութիւնից՝ ուստի ժպտալով հարցրեց.

— Ինձ չէք ճանաչում:

— Ինչպէս թէ չէք ճանաչում:

— Այո, չէք ճանաչում, ով եմ ես:

— Դու ո՞վ ես, որ ճանաչեմ քեզ:

— Ե՞ս... միթէ չէք ճանաչում... իրաւունք ունէք չճանաչելու, որովհետեւ ես էլ մարդ չեմ, այլ մարդկային տականք... Իրաւունք ունէք: Այո:

Տանաէրը ապշած նայում էր այդ ցաւոտ մարդուն. դուցէ ուղղում էր չիշել թէ ո՞վ է, և դրա համար ձեռքը ճակատին դրած՝ երեւի պեղում էր անցեալի չիշողութիւնները, թարմացնում էր թմրած ուղեղը, բայց չիշել, ճանաչել չէր կարողանում... և նա աթոռին նստելով հարցրեց.

— Ո՞վ ես, չեմ ճանաչում:

Թշուառականը կրկին ժպտաց:

Այդ ժպիտը դուր չեկաւ տանտիրոջ:

— Հարցնում եմ, ո՞վ ես, պատասխանիր. յօնքերը կիտած դիմեց նա անհաճոյ այցելուին:

Մարդը դարձեալ ժպտաց. ապա սկսեց հանդիստ խօսել.

— Ես մի աւերուած մարդ եմ, ես էլ ձեզ պէս մարդ էի, բայց թալանուէցի կեանքի ցաւոտ ճանապարհում... Այո, մարդ էի, իսկ ի՞նչ եմ այժմ... մի տրորուած, մերժուած, տանջուած

ու քաղցած արարած, մի անպէտք փշրուած մեքենայ, որ ոչ մի բանի չի հարկաւորուած... Նա լռեց և մտածում էր, որ տանաէրը հիմա կճանաչի իրան՝ կամ ծայնից, կամ դէմքից, կամ մի որեւէ նշանից:

Բայց ոչինչ չեղաւ, տանտէրը նորից հարցրեց.

— Ո՞վ էր և ճրագողացի:

— Ես մարդ եմ:

— Այո, գիտեմ մարդ ես, բայց ի՞նչ մարդ:

— Ո՛չ, դուք ինձ մարդ չէք համարում. սակայն ես մարդ եմ. հարուստ քար աշխարհն էլ իմ հայրենիքն է, դուք էլ՝ իմ անխիղճ և ցաւերիս անտարբեր եղբայրն էք. ձեզ նման անխիղճ ու անողորմ եղբայրներ շատ ունիմ այս ապառաժ աշխարհում...

— Ի՞նչ էք ուզում ասել դրանով:

— Շատ բան, պարզ ճշմարտութիւններ:

Երկուսն էլ պահ մի լռեցին:

Տանտէրը երեւի մտածեց, որ այցելուի արտաքինը, հեզնող ժպիտը և վստահ խօսելը լաւ բան չեն ասում. մանաւանդ, որ չի ասում՝ թէ ո՞վ է ինքը և որսեղացի: Նա կնճռեց երեսը, վերկացաւ և զայրացած ասաց.

— Ոչինչ չի հասկացւում ձեզանից, ես բան եմ հարցնում, իսկ դուք խենթի պէս էք պատասխանում: Բան ունիք ասելու՝ ասացէք, թէ չունիք՝ դուրս դնացէք:

— Դուրս դնամ...

— Այո, դուրս դնացէք, ես ժամանակ չունիմ ձեզ լսելու:

— Ժամանակ չունէք լսելու...

— Այո, ես տեղ եմ գնալու, ազատեցէք ինձ ձեզանից:

— Ձեզ ով է բռնել, կարող էք գնալ, ուր որ ուզենաք:

— Այդ իմ բանն է, կարող եմ թէ չեմ կարող. նախ դուք այստեղից դուրս գնացէք. ասաւ ու աթոռի վրայից վեր կացաւ, հանեց ժամացոյցը նայեց. — Արդէն ժամանակն է խօսեց ինքն իրան:

— Ուրեմն ինձ չէք ճանաչում. ասաց թշուառականը և հառաչելով վերկացաւ ու քայլեց դէպի դուռը. — Ինձ խենթ էք անուանում, այնպէս չէ՞...

—Այո՛, այո՛, գնա՛, հեռացիր:
 Մարդը դուրս ելաւ, իշաւ սանդուխտներից ու կանգնեց
 փողոցում:
 Նա սպասում էր պարոնին:

III

...Արդեօք դուրս պիտի գայ, թէ ինձ գլխից ռադ անելու
 համար առաց՝—տեղ ունիմ գնալու... պատի տոռ կանգնած
 մտածում էր մարդը:

Կաթնագոյն նոսր մառախուղը լցրել էր փողոցները. լապ-
 տերները վառւում էին և իրանց թափանցիկ լոյսի անորոշ բծե-
 րով լուսաւորում փողոցները: Ասաղազարդ դիշեր էր. ցուրտ
 էր ու պարզկայ. բայց տանջուած մարդը ասես ոչինչ չէր զգում,
 ասես նրա կիսամերկ մարմինն չէր ազդում այդ ցուրտը...

—Ձէ, ես կսպասեմ նրան, դուրս կգայ՝ ամեն ինչ կիշե-
 ցնեմ, կ'ասեմ, և այն ժամանակ... թէ դուրս չի գայ՝ կթողնեմ
 կհեռանամ... յետոյ դուցէ մի օր, մի տեղ կպատահեցնեմ...

Այսպէս էր մտածում նա, երբ յանկարծ սանդուխտների
 վրայ լսուեց ոտնածայներ: Պարոնն էր. դուրս եկաւ տան մուտ-
 քից ու քայլեց. նա չնկատեց պատի մօտ կանգնած մարդին, ո-
 րը շարժուեց տեղից ու սկսեց հետևել իրան:

—Հիմի չ'ասել,—մտածում էր մարդը հետևելով պարո-
 նին:—Այո, ասել, սրանից լաւ տեղ չկայ: Եւ նա վճռեց իր
 մէջ՝ ասել:

—Պարոն. ծայնեց նա:

Պարոնը կանգնեց ու ետ նայեց. բայց ոչինչ չխօսեց:
 Մարդը մօտենալով հարցրեց.

—Յիշում էք այն, պարոն:

Պարոնը ապշեց և ճանաչելով նրան երկիւղով խօսեց.

—Ի՞նչը, փողոցի բռուկներէ՞րը. դուք արժանի էիք զրան:

Պարոնի ծայնը լուզմունքից ու երկիւղից դողում էր:

—Ձէ պարոն, բռուկները չէ. բռուկները համար ես
 ոչինչ չեմ ասում. ես շատ ուրախ եմ, որ բռուկները ձեզա-
 նից ստացայ. եթէ ուրիշ մարդից ստանայի՝ կտրանշայի, բայց

որ ձեզանից է, այսինքն քո ծառայից՝ շատ ուրախ եմ... Ես ձեզ բան պիտի հարցնեմ և խնդրում եմ պատասխանէք...

— Ի՞նչ բան:

— Մի պարզ նշմարտութիւն:

— Ես ժամանակ չունիմ ձեզ լսելու և պատասխանելու:

— Կայ, երկու խօսք:— Յիշում է՞ք զուք, թէ երիտասարդ ժամանակներդ, ո՞վ էր ձեր մտերիմ և հաւատարիմ ընկերը:

— Ի՞նչ... ձեռքը թափ առնեց պարոնը և քայլեց:— Ես ընկեր իսկի չեմ ունեցել, որտեղից չիշեմ:

— Մի շտապի, պարոն, կանգնիր, ասաց թշուառը,— երկու խօսք ունիմ:

Պարոնը կանգ առաւ և դայրացած ասաց.

— Ի՞նչ էք ուզում. հացի փո՞ղ... առէք. նա ձեռքը զրրպանից հանելով մեկնեց: Փողոցի մշուշապատ լապտերի աղօտ լուսով տեսնւում էր նրա ձեռքի սև հինգ կոպէկանոցը, որ պարզել էր թշուառականին:

Բայց մարդը չուղեց, հրտաքուստեց ասելով.

— Ողորմութիւն... չէ, պարոն, շնորհակալ եմ. ես այսօր կուշտ եմ սովորականից. արիւնով շաղախուած հաց կերայ, միթէ զուք չտեսաք... Ես ձեզ հարցնում եմ՝ թէ...

— Ի՞նչ, անհանգստութեամբ ընդհատեց պարոնը: Ըստ երևոյթին նրա երկիւղը երևի բազմապատկուեց, որ ձեռքում սղմեց ձեռնափայտը և պաշտպանուելու դիրք ընդունեց:

— Հարցնում եմ, թէ ո՞վ էր ձեր երիտասարդութեան ընկերը:

Պարոնը զլուխը կախեց, ապա բարձրացնելով ասաց.

— Ձեմ չիշում ոչ մէկին:

— Ձէք չիշում... եթէ ունեցել էք, անպայման պէտք է չիշէք:

— Է՛, ո՞վ է միտք դարձնում նրանց վրայ. կամ նրանց լիշելս ինչ օգուտ. ծանծրացած ասաց պարոնը և ոտքը փոխեց:

— Կաց, կաց ասեմ:

Պարոնը ասեա էլ երկիւղ չունէր. նա տեսնում էր, որ մարդը հանդիստ է, ուստի կանգնեց և ասաց.

— Ասա:

Թշուառականը մի քայլ փոխեց դէպի պարոնը և կանգնեց:

—Քեզ ո՞վ ազատեց խեղդուելուց, սխեց նա. այժմ եղա-
կի էր խօսում հետք.—որ երիտասարդ ժամանակդ լողանում
էիր մի վարար պետում... ո՞վ էր, որ փրկեց կեանքդ:

—Ի՞նձ:

—Այո, քեզ:

—Ես ունէի մի բարի բնկեր, այժմ մեռա՛. նա ազատեց
իմ կեանքը: Ես հոգով նրան եմ պարտական... Իսկ դու ո՞վ
ես, որ անցեալս դիտես:

—Ես մի ժամանակ մարդ եմ եղել. իսկ հիմա չէ...

Լուեցին:

—Ասեմ, լսեցէք. շարունակեց մարդը:—Յիշո՞ւմ ես, որ
քո գողութեան համար հայրդ զուրս արաւ քեզ իր անից և
ծառաններին հրամայեց ներս չթողնել քեզ իր շէմքը... այստեղ
սլացող կառքը անխելի դարձրեց նրա խօսքերը:—Եւ այն օրից,
դու հալածական ու անապաստան շրջում էիր փողոցներում,
ով ապաստան տուեց քեզ, ով եօթ-ութ ամիս կերակրեց քեզ
իր զրպանից, պահեց իր աանը, խնամեց եղբօրից լաւ... Յի-
շո՞ւմ ես, որ նրա փողն էլ հատաւ, և նա զնաց պարտք արաւ քեզ
կերակրեց, երբ հիւանդ էիր բժշկել աուեց, առողջացրեց. իսկ
հայրդ բոլորովին չէր մօտենում, և քեզ իրան որդի չէր ճանա-
չում: Կարծում եմ անշուշտ յիշելիս կլինես:

Պարոնը զուլսը կախ, աչքերը դետնին լսում էր և լռում.
քիչ լետոյ նա հազաց մի անգամ և ասաց.

—Նոյն բնկերս, ողորմի հոգուն:

Թշուառականը ժպտաց:

—Յիշո՞ւմ ես, շարունակեց նա,—երբ մի անգամ քեֆի
ժամանակ կռիւ եղաւ քեֆ անողների մէջ, քեզ ուղում էին
սպանել կամ խեղդել քո լպիրշ խօսքերի համար. ով էր քեզ
ազատողը, վտանգից փրկողը, որ քո փոխարէն ինքը վիրաւո-
րուեց թւից... Նրանից լետոյ դու թողիր և հեռացար: Իսկ
այժմ, դու ո՞րտեղից գիտես, որ նա մեռած է ու թաղուած:

—Ես կարծում եմ, որ մեռած պիտի լինի. խօսեց պա-
րոնը անհաստատ և ցածր ձայնով, աչքերը զցած մօտիկի մշու-
շապատ լապտերին:—Դու ո՞վ ես, քո ձայնը կարծես թէ ինձ
ծանօթ է երևում:

Մարդը լուռ էր:

Յուրտը հեազհետէ սաստկանում էր. մի կողմից էլ սառը քամի էր փչում. բայց այդ մերկ վտիտ թշուառը՝ ասես ոչինչ չէր զգում. նրա ներսը կար պյնալիսի մի բան, որ թոյլ չէր տալիս զգալու՝ ոչ մրսելը և ոչ ցուրտը. նա տաքացած էր և բորբոքուած:

— Ես ո՞վ եմ... կամացուկ շշնաց նա:

Կէս բոպէ երկուսն էլ լուռ էին. պարոնը երևի չիշում էր անցեալի դէպքերը, և զուցէ նրա մտքով՝ շարար-շարան անցնում էր բոլոր պատահարները իր մանրամասնութիւններով. նա ոչինչ չէր խօսում, բայց նրա լուռութիւնը շատ բան էր ասում: Իսկ խեղճ մարդը ուզում էր խօսել երկար, չիշեցնել նրան երիտասարդութեան բոլոր դէպքերը, և շատ-շատ բաներ, բայց զսպում էր իրան, և թողնում էր, որ որ նա չիշի այդ ամենը:

— Ես տեսնում եմ, որ ձեր ծախքը ինձ ծանօթ է երևում, բայց չգիտեմ թէ ով ես դու. լուռութիւնը ընդհատելով խօսեց պարոնը:

— Ո՞վ եմ ե՞ս... Զարմանալի է, որ չէք ճանաչում... տարիներով ապրել մի մարդի հետ և չճանաչել նրան... տարօրինակ է...

Պաշտոնը ցնցուեց. ծեռնափայտը դողում էր նրա ձեռքում:

— Այ, հիմի ասեմ թէ ով եմ ես, ասաց թշուառը և աւելի մօտեցաւ:— Ես նա եմ, որ տղատեցի քեզ խեղդուելուց, և թոյլ չտուի զոհ դնալ ջրին...

— Ըր՛... մզգաց պարոնը, երևի ուզում էր խօսել, բայց խօսքերը խեղդուեց կոկորդում:

— ... ու գետի եզերքից շալակեցի տարաջ ձեր տուն:— Ես նա եմ, որ կերակրեցի քեզ եօթ-ութ ամիս շարունակ. բրժշկել տուի երբ հիւանդ էիր:

— Օ՛, ազնիւ... դուրս թռաւ պարոնի բերանից:

— Ես նա եմ, որ տղատեցի քեզ սպանութիւնից, և քո փոխարէն վիրաւորուեցի աջ թևից, որի համար ծախեցի տունս, տեղս և ամեն ինչ. բայց չբուժուեց սա, կենդանութիւն չստացաւ. մնաց անշարժ ու չորացած... և այժմ տեսնում

էս՝ ի՞նչ եմ ես. ինչպէս դու ասում ես—մեռած, Այո՛, մեռած եմ, բայց թաղուած չեմ:

Զգալի էր, որ ցաւը, սրտի մաղձը, կուտակուել էին նրա կրծքի տակ և այժմ դուրս էին ժայթքում խօսքերի անգրգիւշի հոսանքով:

—Ես, ես, եմ... կերկերաց պարոնի ծայնը.—իմ կեանքով քեզ եմ պարտական... ով իմ ագնիւ բարեկամ... Ով, ով կարող էր երեսակայել, որ այդ դու ես, իմ դժբաղդ ընկեր...

—Ոչ, ոչ ես մեռած եմ, բայց թաղուած չեմ. դեռ լսիր տրորուած ու աւերուած մարդի խօսքերը:—Դու եղել ես քաղցած, պէտք է լաւ իմանաս քաղցածի վիճակը... Ես քաղցած էի, քու կողովից վերցրի մի կտոր հաց, բայց դու այդ մի կտոր հացի համար՝ բռունցքներ ուտեցրիր և արիւնը բերանս լցրիր: Ճիշտ է, դու ինձ չէիր ճանաչում և այդպէս վարուեցիր. եթէ ճանաչէիր, չէիր անի. բայց ինչո՞ւ այդպէս վարմունք ես բանեցնում խեղճերի վրայ. չէ որ դու էլ ես եղել նոյն վիճակում, նոյն օրում...

Պարոնը գոգգողում էր. նրա շրթունքները ասես կպել էին իրար, ոչ մի բառ չէր կարողանում արտասանել. այլ ամօթահար, գլուխը կախ՝ լսում էր դատապարտեալի պէս:

—Երբ որ դու քաղցած էիր, վշտանում էիր մարդկանց վրայ և շարունակ կրկնում՝ «—Մարդկանց զգացմունքը բիրտ է: Նրանք միայն իրանց համար են մտածում, էլ չեն նայում շուրջները վիսաացող տառապեալներին ու քաղցածներին...» Եւ այդ խօսքերը ասում էիր դու. դու, որ կարող էիր ամեն գործ կատարել, որովհետեւ ունէիր առողջ մարմին և առողջ բազուկներ... Իսկ այժմ ո՞ւր են քո այն խօսքերը... Մոռացել ես, որովհետեւ փորդ կսւշտ է, հօրդ մահից յետոյ ժառանգել ես նրա կարողութիւնը, պսակուել ես մեծ օժիտով աղչկայ հետ և կուշտ ես, միայն քո համար ես մտածում. էլ փոյթի՞ւ չէ՞ թէ շուրջդ լիքն են քաղցածներ ու սովաւանջներ... Այո, այդպէս են մարդիկ. նեղ օրում դառնում են հրեշտակ և անգաղար բարութիւնից ու խղճից խօսում. իսկ լէն օրում՝ դառնում են անխիղճ գաղան. այդպէս էլ դու:

Փողոցներում անց ու գարծր գաղարել էր և ամեն ինչ լուել:

— Օ՛, ազնիւ հողի... հազիւ արասասանեց պարոնը և ուղեցաւ շարունակել՝ բայց ծայրը խեղդուեց կոկորդում:

— Այժմ տեսնում ես ինձ, թէ ինչ եմ. ցնցոտիներում թաղուած՝ մի փշրուած մարմին, մի ոսկրացած կմաղք, մի տառապող, սողացող արարած, մի հիւանդ ու վշտոտ հողի... Դու այժմ լողում ես կեանքի ծովում՝ ինչպէս քո քէֆն է ուղում. իսկ ես՝ տանջուելով տառապում եմ, և քեզ պէս պարոններն էլ՝ հացի փող ուղելիս՝ մերժում են ուարհամարհում: Ժիշտ ես նմանում եմ այն անղեկ, ծւատուած առաքաստներով նաւակին, որ մրրկուած ծովի երեսին՝ ալիքներն ու փոթորիկները քշում են դէպի կորուստ: Այո, իմ առաքատները ծւատուած են և բազում կներս, որ մի ժամանակ բրոնզի պէս էին, հիմա թուլացել են ու անզօրացել...

— Օ՛, ազնիւ ընկեր... իրան մոռացած հառաչեց պարոնը. — ես... երբէք... երբէք չէի կարող...

Թշուառականը երկար-երկար հազաց, թքեց և վերջը դարձաւ պարոնին.

— Այս է իմ օրը, երջանիկ մարդ:

— Էլի սկսեց հազալ:

— Լսիր, ինչ եմ ասում, բաղդաւոր մարդ. նորից խօսեց խեղճը:

— Որովհետեւ մի ժամանակիցու էլ եղել ես քաղցած, ուստի խրնդրում եմ, որ խեղճերի հետ այնպէս չվարուես, ինչպէս վարուեցիր ինձ հետ: Եղիր բարի և բարի՝ ինչպէս ես բարի էի դէպի քեզ:

Պարոնը դողդողալով մօտեցաւ խեղճին և թողութիւն խնդրողի նման բռնեց նրա ձեռքը, նայեց նրա աչքերի մէջ և ասաց կոծացուկ.

— Ինչո՞վ կարող եմ քեզ օգնել, իմ անբաղդ ընկեր. ասա ինձ:

— Ես օգնութեան կարօտ չեմ, ազնիւ պարոն: Օգնութիւն ես ուզում անել, ինձ նման խեղճեր շատ կան, նրանց օգնիր... Այս քանի՜ տարի է անօթեան ու կիսամերկ շրջում եմ աշխարհում, ոչ մի օգնութիւն չի եղել մարդկանցից և այժմ էլ չեմ սպասում, որովհետեւ, ինչպէս ասացի, իմ նաւակը դէպի կորուստ է գնում:

— Իմ խեղճ ընկեր, ինչո՞ւ ես մերժում օգնութիւնը: Գր-
նանք մեզ մօտ:

— Շնորհակալ եմ... քեզ էլի ասում եմ, որ լինիս բարի և
անես բարութիւն. որովհետեւ բարութիւնը ստեղծում է հոգու
և խղճի խաղաղ դրութիւն... Ես միայն այսքանն էի ուզում
քեզ ասել, ուրիշ ոչինչ. բռնկեցքների համար չեմ արանջում,
որովհետեւ քեզանից ստացալ...

Նա շուռ եկաւ և քայլեց: Պարոնը շշմած դրութեան
մէջ՝ մնաց կանգնած միւկնոյն տեղը:

Աստղազարդ պարզկայ գիշեր էր:

IV

Ճանչուած մարդը հազարով ու թքոտելով շարունակեց
քայլել:

Քայլելով հասաւ մի մեծ դարպասի ու կանգնեց. նայեց
շուրջը՝ ոչ ոք չկար, միայն փողոցում, շատ հեռու մի ստուեր
էր նշմարւում:—

— Անպատեհաւ ոռոտիկան կլինի. մտածեց մարդը ու մօ-
տեցաւ նստեց դարպասի մօտի երկար նստարանի վրայ և մի
անգամ խոր հառաչեց. քիչ յետոյ առողջ ձեռքը դնելով գլխա-
տակը՝ մեկնուեց չոր տախտակի վրայ, ուզեց քնել, աչքերը
խփեց, կրկին բաց արաւ. ցրտիցը քունը չէր տանում. խեղճի
կիսամերկ մարմինը դողում, մրսում էր. նա ռաքերը քաշեց ի-
րան, կուչ եկաւ, աչքերը խփեց ու մնաց արթուն: Մի քանի
անգամ բարձր ու երկար հազաց, և նորից աչքերը խփեց:

Հազոցի ծայնին եկաւ դռնապանը, կանգնեց խեղճի գլխա-
ւերէր ու ծայն տուեց.

— Է՛յ, ո՞վ ես:

— Մարդը ոչինչ չխօսեց:

— Է՛յ, քեզ հետ եմ, բոլթեց ծառան:— Հարցնում եմ, դու
ո՞վ ես:

— Ես եմ. ասաց խեղճը թեք ընկած:

— Ո՞վ ես:

— Մարդ. նրանցից մէկը:

— Որոնցից մէկը:

— Ինձ նման միլլիօններից մէկը, ապո'ւշ:

— Խելագար է՞... մըմուաց դռնապանը. ապա զայրացած բղաւեց:

— Հեռացիր այստեղից:

— Ինչի՞ հեռանամ, քնոս եմ տալի. բարձրանալով խօսեց խեղճը:

— Դէ գնա, հեռացիր. պարոնը հիմա կգայ կլուրից:

— Է, թող գայ, ի՞նչ պիտի անի:

— Դիտե՛ս, մեր պարոնը հրամայել է կեղտոտ մարդկանց չթողնել հայեաթը. դէ հեռացիր քանի չի եկել, թէ չէ որ եկաւ ինձ պիտի հրամայի քեզ ծեծել, որ միւս անգամ չգաս էստեղ:

— Ո՞վ է քս պարոնը:

— Էս աների տէրը:

— Հա՛մ. մարդ է՞:

— Բա ինչ է:

— Թքած դրա վրայ:

— Կորի, կորի. բարկացաւ դռնապանը. — Էլ մի կանգնի:

— Մարդ է՞. մըմուալով քայլեց թշուառը, — հարուստ մարդ, և հրամայում է կեղտոտներին ծեծել...

Նա և՛ քայլում էր և՛ մտածում՝ մի տեղ գտնել գիշերելու համար, մի տեղ թաղցնել իր մերկ, վտիտ, չարդուած մարմինը, և մի կերպ անցկացնել այս վատ, պարզկայ գիշերը. բայց քանի՞ այսպիսի գիշերներ պիտի անցկացնի՝ մինչև դարունը, տաք եղանակները գան. և ինչո՞ւ անդարձ չեն անցնում այս դաժան օրերը... և ինչո՞ւ ինքը չի մեռնում ու միանգամից ազատուում այս անվերջ առաւապանքից. միթէ մեռնելը լաւ չէ, այսքան տառապելուց... այո, հազար անգամ լաւ է... այսպէս մտածմունքով քայլելով՝ նա կանգնեց մի տակառի մօտ, մեծ շաքարի տակառ էր, խանութի առաջ անկուած... Տանջուած մարդը ծեռքը հանեց ծոցից, տակառը զգուշութեամբ վայր դրեց դետին. տակառի մէջ ծղնոտ կար. նա մի կողմ տրեց այդ ծղնոտը ու սողաց ներս՝ մեկնուեց, յետոյ ոտքերը քաշեց իրան, ապա խոտը վրան ածեց՝ մէջքը ծածկեց ու լուեց:

Այժմ նրա մտքով անցնում էր անցեալ զիշերուայ դէպքը.— ինչպէս ինքը էն զիշեր մտան տակառի մէջ ու քնեց. խանութ պահն էր թէ մի ուրիշ անսղորմ մարդ նկատել էր՝ ոտքով խփելով տակառը զլորեց ու քրքչաց. և ինքը ինչպէս կէս քուն, կէս արթուն դրութեան մէջ բղաւելով զուրս պրծաւ տակառի միջից... այն զիշերն էլ այս զիշերուայ պէս պարզկայ չէր, մեղմ էր, այդ բոլորը մանրամասնութեամբ անցնում էր նրա մըտքով ու երկիւղ ծագեցնում նրա սրտում՝ թէ մի գուցէ այս զիշեր էլ նոյնը չպատահի՞. նա աչքերը խփեց, մարմինը աւելի կծկեց ու լուռ կացաւ:

Սառը քամի էր փչում ու ծիւնի փողին ղէս ու ղէն
ցրւում, գետինը սառում էր, կարծրանում, տակառի ճեղքերից
սողում էր ցուրտ քամին ու տանջուած մարդի բզկատուած
մարմինը ծակոտում, նրա աստամները զարկւում էին իրար ու
չխլչխկում, նա աւելի ու աւելի կծկւում էր կուչ գալի և
ծղնոտին կպչում:

Մերկութիւնը, քաղցածութիւնը և երկիւղը աւելի ազդեցում էին նրա ժրտեւուն:

—Ո՛հ, անիծուիս կեանք, մրմնչաց նա,—լաւ է մեռնել,
քան սողալ քաղցած ու մերկ այս նզովուած աշխարհում...Ո՛ւ...
Ո՛ւ... Ո՛ւ...

Հետզհետե քամին ուժեղ բնուորութիւն էր ստանուծւ. թշուառահասն էլ աւելի սղմուծ էր աստամները. բայց ի զո՞ւր, նրանք անդապար զարկուծ էին իրար: Վերջապէս նրա մարմինը տնդզայացաւ. և մի ինչ որ թմբութիւն իշաւ վրան. բիբերը ծանրացան ու քնեց:

Քամին նւււում էր ու լալիս այդ ցուրտ գիշերին. և այդ գիշերուայ սուռը դրկում՝ հանգստանում էր մի տանջուած մարմին, մի տառապող գլուխ, որ երկար տարիներ ցաւը շալակած քաշ էր տալիս իր թշուառ գոգոթիներ թշուառութեան ու անխղճութեան անձայր անապատի մէջ:

Աստղագարիչ պարզ գիշեր էր:

V

Առաւօտեան խանութպանը, շատ վաղ բացեց խանութը
և նկատեց, որ տակաւը գլորուած է գետին. մօտ գնաց, ու-
ղեցաւ ուղղել՝ տեսաւ մարդ կայ մէջը. իսկոյն ճանաչեց, որ
անցեալ գիշերուայ մարդն է, զայրացաւ.

— Էյ, լիմար, վեր կաց. բղաւեց նա ու ոտքով հարուածեց:
Բայց մարդը անշարժ էր:

— Տօ, քեզ չեմ տեսմ, վերկաց է՛... և էլի մի քանի ան-
գամ հարուածեց:

Նա չէ գարթնում, քնած է:

Խանութպանը տեսաւ որ չի եփնում, տակաւը գլորեց ու
դարձաւ մօտը կանդնած հարեան խանութպանին.

— Տես, անցեալ գիշերուայ նման, ինչպէս հիմի ճղճղալով
դուրս կփախչի բօչկի միջից:

Տակաւը գլորուեց մի փոքր աեղ, ոչինչ չեղաւ:

— Մեռած կլինի. նկատեց հարեան խանութպանը ու մօ-
տեցաւ բռնեց գլորուող տակաւը:

— Չ'ասի՞, որ մեռած կլինի. ասաց նա ցաւալի ծայնով:

— Ուղի՛ղ, սարսափած բացականչեց խանութպանը և վա-
չեց տակաւի մօտ...

Այո, նա մեռած էր՝ տանջանքի կնիքը վրան:

Արևի առաջին շողերը ողջունեցին մարդիկ և կեանքը
շարժուեց իր տմենօրեայ թափով...

Ս. ԲՅՅՅՅՅՅ

ԳԻՏՈՒԹԻՒՆ ԵՒ ԲԱՐՈՅԱԿԱՆՈՒԹԻՒՆ

Վերոյիշեալ նիւթի առթիւ Լոզաննի համալսարանի պրոֆէ-
ճերցէնը դասախօսութիւն է արել երիտասարդութեան, ուր շօ-
շափելով մարդկանց սեռական կեանքի ամենահետաքրքիր հարցը,
պախարակում է ծնողներին, որ նոքա իւր ժամանակին իրանց
պարտքը չեն համարում զաւակներին տալ կարևոր ծանօթութիւն
առհասարակ սեռական կեանքի մասին: Այդ անուամբ է աւելորդ ա-
մօթխածութիւնից, որը շատ թանգ է նստում զաւակների վերայ:
«Ճշմարիտ է և բարոյական այդ հայեցակէտը. բոլորովին ոչ»: Ա-
հա այդ ի նկատի ունենալով վերոյիշեալ պրոֆեսսորը կարդացել
է վերին աստիճանի հետաքրքիր և ժամանակայարմար դասախօ-
սութիւն, ուր յաջողել է ապացուցանել բարոյականութեան և գի-
տութեան միմ րերը մարդկանց սեռական յարաբերութեան կեն-
սական հարցի մէջ: Այդ դասախօսութիւնը ֆրանսէրենից թարգմա-
նուած է ռուսերէնի: Ռուսերէն իմացողներին մենք խորհուրդ կը
տանք այդ փոքրիկ գրքոյկը ամենայն լրջութեամբ և ուշադրու-
թեամբ կարդալ, իսկ այդ լեզուն չիմացողներին մենք շատ կա-
րևոր ենք համարում ընդարձակ ծանօթութիւն տալ նորա բո-
վանդակութեան մասին:

Այս գրքոյկը երիտասարդներին է նուիրուած, որոնք չգիտե-
նալով սեռական կեանքի շեղումների վտանգի մասին՝ հիշտու-
թեամբ դառնում են առանց մտածելու վաղուց արմատացած սո-
վորոյթի շնորհիւ՝ սեռական սանձարձակութեան զոհ... որովհետեւ
ոչ ոք չի մտածում երիտասարդներին ներշնչելու, թէ որոնք են իս-
կապէս և ինչպէս պիտի լինին այս յարաբերութիւնները—սեռական
մարդկանց մէջ: Ոչ ոք չի պարզաբանում այդ աւելի լայն, բարձր,
ազնիւ, նշանակում է, աւելի ճշմարիտ տեսակէտից, քանի որ սե-
ռական մերձեցումը մարդու համար պատահական և բոլորակա-
ն երևոյթ չի, ինչպէս կենդանիների մօտ առանց որևիցէ ազդեցու-
թեան թէ իւր և թէ միւսերի ապագայի վերայ. մարդկանց համար
այդ շատ կարևոր երևոյթ է, չուակէտ բազմաբարդ կապերի, եր-
կարատե յարաբերութիւնների, անքակտելի կապակցութիւնների,
որոնցից կախուած է բախտաւորութիւնը, թէ դժբախտութիւնը՝
թէ իրան և թէ շատ ուրիշ մարդկանց կեանքի...

Բայց ես կը ցանկայի յանձնարարել այս գրքոյկը և ծնող-
ներին, որովհետեւ նորա վերայ է մեծ պարտականութիւն իրանց
որդկերանց հետո պահել գայթակղութիւններից, սխալմունքնե-
րից, յաճախ անուղղելի, եթէ նոքա թողնուած են անարգել նոցա
շրջապատող հրապուրանքների մէջ: Բայց ծնողները որպէսզի կա-
րողանան առաջնորդել իրանց որդկերանց, պիտի իրանք նախ և
առաջ սովորեն:

Յարգելի պրօֆ. առաջարկելով իւր գրքոյկը ծնողներին, խոր-
հուրդ է տալիս ծանօթանալ նորա հետ և աստիճանաբար ծանօ-
թացնել իրանց որդւոց ինչքան որ այդ կարելի է, որպէս զի
ապագայում իրանց մեղաւոր չը համարեն, որ որդկերանց թոյլ
են տուել աչքերը փակուած խորասուզուել սեռական յարաբերու-
թիւնների անդունդը:

Ես շատ անգամ լսել եմ մի այնպիսի յիմար միտք, որ հար-
կաւոր չի հակառակել երիտասարդներին վատնել աւելորդ հիւ-
թերը ամուսնութիւնից առաջ, որովհետեւ հակառակ դէպքում, նո-
քա չեն կարող դառնալ հաւատարիմ ամուսիններ:

Այդ աւելի քան յիմար առարկութիւնը միթէ հարկաւոր է
հերքել, քանի որ նա՝ թէ տեսականապէս և թէ փորձնականապէս
ոչ մի քննադատութեան չի կարող դիմանալ:

Իսկապէս ով ծանօթ է այն մարդկանց հետ, որոնք մինչև
ամուսնանալը մաքուր և անարատ են մնացել, նա գիտէ, որ վեր-
ջինների համար անհաւատարմութիւնը ամուսնութիւնից յետոյ
նոյնպէս զգուելի է, ինչպէս անառակութիւնը մինչև ամուսնու-
թիւնը, որովհետեւ դա դաւաճանութիւն է սիրեցեալ ամուսնուն:
Հոգեկան պատկերը չի փոխուում ինչպէս շապիկ:

Շատ ծնողներ վախենալով գործել շտապողաբար զարթեցնե-
լով իրենց երեխաների մէջ այնպիսի երեւակայութիւններ, որոնք
դեռ իբր ննջում են, միշտ ուշանում են. երեխայք թէ տանը, թէ
ուսումնարաններում, թէ ընկերների շրջաններում և թէ փշացած
մարդկանցից արդէն իմանում են սեռական բաների և արատների
մասին, և այսպիսով չարիքը արդէն տեղի է ունենում առանց
ծնողների գիտութեան: Եւ այդ բոլորը նորա համար, որ ծնողները
իւր ժամանակին խուսափել են որդկերանց հետ ունենալ այդ
յարաբերութիւնների մասին որևիցէ խօսակցութիւն: Իսկ եթէ
այդ անտեղի ամօթխածութիւնը թողնեն և ամեն ինչ պարզեն
ինչպէս վայել է, այն ժամանակ շատ շատերը ազատուած կը լի-
նեն այն աղէտներից՝ հոգեկան և մարմնական տանջանքներից, ո-
րոնք առաջանում են մարդկանց անառակ կեանքից, նոյնպէս այն
տանջանքներից, որոնք խաբեբայութեամբ պատճառում են իրանց

կանանց, երեխաներին, որոնք ծնւում են ծանրաբեռնուած ժա-
ռանգական հիւանդութիւններով:

Այս է մօտաւորապէս պրօֆ. առաջաբանի իմաստը և նորա
դասախօսութեան կէտ նպատակը: Այս մի այնպիսի հարց է, որը
աւելի քան կենսական է ամեն հասարակութեան համար, ապա
ուրեմն անհրաժեշտ է ինչքան կարելի է աւելի և աւելի կրկնել վե-
րոյշեալ մօքերը: Այժմ դառնանք զրբի բովանդակութեան, որից
ամենագլխաւորները միայն պիտի բերենք մեր յօդուածի մէջ, բաց
թողնելով անշան բաները, որոնք դասախօսութեան մէջ սովոր-
աբար շատ են լինում:

«Մարդ հասարակային էակ է. նա չի ապրում միայնակ. նո-
րա ամեն մի խօսքը անդրադառնում է մերձաւորների վերայ,
ունենալով նոցա վերայ ազդեցութիւն, թէ լաւ, թէ վատ, օգտա-
ւէտ կամ վնասակար: Նա պիտի ունենայ ի նկատի հասարակու-
թիւնը և ձգտի կազմել յայտնի հաւասարակշռութիւն երկու հիմ-
նական զգացմունքների մէջ, որոնք յատուկ են նորան և գտնւում
են նորա բոլոր գործողութիւնների հիմունքներում. եսականութեան
և այլատրութեան—էգօիզմ և ալտրոիզմ: Առաջինը ծագում է ինքնա-
պահպանութեան բնազդից (սննդառութիւն). երկրորդը—ցեղի
պահպանման բնազդից (բազմացում): Անհատական և սոցիալա-
կան վարուողութեան արհեստը,—բարոյականութիւնը այդ երկու
ձգտումների ներդաշնակութեան մէջ է կայանում:

Նախ և առաջ բարոյականութիւնը ամեն մարդի համար նո-
րանում է, որ նա միշտ և ամեն տեղ անպատճառ գործէ համա-
ձայն իւր ներքին համոզմունքներին, ինչպէս պահանջում է նորա
խիղճը:

Բայց որովհետեւ անհատական խիղճը միատեսակ չէ և նա
կարօտ է կորեկտիվի—ուղղիչի, որը կարող է լինել հասարակա-
յին խիղճը, վասնորոյ բարոյականութիւնը պիտի կայանայ նորա-
նում, որ մարդ ամեն տեղ միշտ ինչ որ լինելու լինի, պիտի գործէ հա-
մաձայն պահանջներին ամենամեծ բարիքի մերձաւորների և ամբողջ հասա-
րակութեան»:

Բայց հասարակական խիղճը չի կարելի համարել անսխա-
լական, քանի որ նա դարերի ժամանակներում թոյլ է տուել
գործել զգուելի բաներ. մարդակերութիւն, մարդազոհաբերութիւն,
ստրկութիւն, կրօնական հալածանք... միջազգային սպանութիւն-
ներ, պատերազմ, թէև այժմ աստիճանաբար այդ բաներից շա-
տերը թողել են և պիտի թողնուեն լուսաւորութեան բնդհանուր
գործօնների շնորհիւ:

Բայց և այնպէս գոնեա լուսաւորեալ երկրների համար ին-

վական բարոյական վարժունք կարելի է համարել այն, որը ընդունելի է իբրև ընդհանուր կանոն վարողութեան, որին պիտ հետևի ամեն մէկ նորմալ, զարգացած մարդ, որը զերծ է հոգեկան և բարոյական խեղաթիւրումից, թէ ժառանգական և թէ ստացական:

Ահա այդ երեք սկզբունքները պիտի ընդունենք սեռական յարաբերութեան շրջանում, եթէ մարդ ցանկանում է պատուաւոր անուն կրել: Բոլոր կենդանական և բուսական աշխարհը ապրում է աննշառութեան և բազմացման պայմանների ներքոյ:

Բազմացումը էապէս չի զանազանում աննշառութիւնից—նա շարունակութիւն է վերջինի: Դեռահաս անհատը աճում է շնորհիւ աննշառութեան, իսկ երբ նա հասունանում է, այն ժամանակ արտաթորում է յայտնի մասնիկներ, որոնք ծառայում են բազմացման նպատակին և այդպիսով շարունակում է ցեղը»:

Յարգելի պրոֆ. երկար կանգնում է առհասարակ բազմացման վերայ՝ սկսելով ամենաստոր կենդանիներից, որոնք բազմանում են բաժանմամբ—մէկ վանդակից գոյանում է երկու, նոցա մօտ չկայ սեռական զանազանութիւն ստորին ողնաշար ունեցողների մօտ, օրինակ՝ ձկների, գորտերի և այլն էզը աճում է սերմը—խաւիարը, իսկ որձը թափում է նորա վերայ իւր սերմը և այդպիսով բեղմնաւորումը լինում է արտաքոյ ծնողների: Թռչունների և սողունների—օձի, խլեզի և այլն, մօտ բեղմնաւորումը լինում է էգի մարմնի մէջ, նշանակում է հաղորդակցութեամբ որձի էգի հետ և սաղմը ձուռի մէջ դուրս է գալիս արտաքուստ, երբ նա—ձուն ենթարկւում է ջերմութեան՝ արեգակի մօտ կամ արհեստական, այն ժամանակ զարգանում է սաղմը, որը կերակրւում է ձուռի մէջ պատրաստի անունդով, հասունանում է և դուրս գալիս ձուից: Կաթնակերների մօտ այդ բոլորը արդէն տեղի է ունենում մօր արգանդում, ուր սաղմը անունդ է ստանում մօր արիւնից, իսկ երբ ծնւում է, այն ժամանակ էլի մօրից—նորա կաթից. երբ կենդանին հասնում է կատարեալ զարգացման, այն ժամանակ նորա սեռական գործարանները ևս զարգանում են և միայն այդ ժամանակ երևում է սեռական պահանջ, որը աւելի է զարգացած որձերի մօտ: Ահա ինչու նոքա, երբ երևում է այդ պահանջը, հետապնդում են էգերին, տիրում նորանց և ստիպում են հաղորդակցուել: Առհասարակ բոլոր կենդանիների մօտ սեռական ձգտումը աւելի զօրեղ է որձերի մօտ: Այդ ֆիզիքական և միկնոյն ժամանակ հոգեկան զանազանող—զատիչ բնաւորութիւնը նշմարւում է կանանց երկչոտութեան, զգաստութեան, բնածին ամօթխածութեան մէջ և հրապուրողը միշտ լինում է տղամարդը:

Այս է բնախօսական հիմքը, որի վերայ ծագում է սեռական բարոյականութեան հարցը: Պիտի այստեղ նկատել և մէկ բնորոշ երևոյթ, կենդանիները մինչև կատարեալ հասունութիւնը սեռական պահանջ չեն զգում, նոքա զարգանում են բնական ճանապարհով, իսկ մարդը շնորհիւ լեզուի ընդունակութեան դեռ երեխայ ժամանակից մեծերից և ընկերներից անժամանակ ստանում է սեռական պահանջ, ձգտում, որը շատ վատ է ազդում նոցա կազմուածքի վերայ, քանի որ վերջինը դեռ չի հասունացած կատարելապէս:

Այդ փնասակարութիւնը գիտութիւնը բացատրում է հետեւալ կերպիւ:

Վերջերս ֆիզիոլոգիայի՝ բնախօսութեան մէջ ծագել է նոր շրջան ներքին արտաթորումների:

Մեր կազմուածքի մէջ կան երկու տեսակ գեղձեր, որոնցից մէկ քանիսն երբ արտաթորում են յայտնի հիւթեր, օրինակ թքագեղձը—թուք, լեարդ—լեղի, երիկամունքները մէզ, ստամոքսագեղձերը, ստամոքսի հիւթ, ձուանները սերմ և այլն. իսկ կան գեղձիւր, որոնց հիւթը մտնում է արեան մէջ, այսինքն մնում է կազմուածքի մէջ, օրինակ փայծաղը, վահանաձև գեղձը:

Այդ ներքին արտաթորութիւնները ունին մեծ ազդեցութիւն կազմուածքի քիմիական ամբողջ սննդառութեան արարողութեան վերայ: Տեղամարդի ամորձիքը ժամանակ ժամանակ արտաթորում են սերմ սեռական յարաբերութեան ժամանակ ցեղի շարունակութեան համար, բայց նոքա ունին և ներքին արտաթորումիւն, որը աջակցում է կազմուածքի սննդառութեան, մանաւանդ ջրային սիստեմի, գլխի և մէջքի ուղեղի: Այժմ հասկանալի է, թէ ինչու եթէ անչափահաս երիտասարդը անժամանակ սերմի արտաթորութիւն է ունենում, նորա կազմուածքը զրկուելով վերոյիշեալ կարևոր ներքին արտաթորութիւնից, թուլանում է, չի հասնում իւր բնական վարդաքման և ամորձիքը՝ կամաւոր և անբնական գրգռումներից, երբ նոքա դեռ չեն հասած ֆունկցիոնալական հասունութեան, թուլանում են և այդ պատճառաւ տալիս են թոյլ և վատ արտադրութիւն, որից գոյանում է թոյլ սաղմ և դորանից տուժում է սերունդը: Ահա պատճառը աղէտալից հետեւանքների ոչ միայն չարագործութեան, այլ հասարակ գործադրութեան սեռական գործարանների այն ժամանակ, երբ ոչ նոքա, ոչ ամբողջ կազմուածքը դեռ չեն հասել կատարեալ հասունութեան:

Այդ հանգամանքի վերայ թէ ծնողները, թէ մեծերը, թէ դաստիարակները պիտի շատ մեծ ուշադրութիւն դարձնեն և վաղօրօք

զգուշացնեն երեսաներին սիրողաբար, լրջօրէն հասկացնելով բանի էութիւնը: Մեր երկրներում, մեր կլիմայում մարդ կատարեալ հասունութեան կարող է հասնել 20—22 տարեկան հասակում, ուրեմն դորանից առաջ նա չպիտի սեռական յարաբերութիւն ունենայ, իսկ եթէ նա զանց է առնում այդ, նա առաջինը ֆիասում է իրան. երկրորդ՝ տալով թոյլ սերունդ, մեղանչում է թէ իւր առաջ և թէ հայրենիքի՝ իւր թոյլ սերունդ տալու պատճառով:

Իսկ երբ հասաւ տղամարդը, ի՞նչ պիտի անէ. նա չի կարող դանալ կենդանիների կամ վայրենիների նման ամեն մէկ պատահող կնոջ բռնաբարել: Նա կամ պիտի ամուսնանայ անարատ մնալով մինչև այդ ժամանակը, կամ պիտի սեռական յարաբերութիւն ունենայ, կամ պիտի ժուժկալէ. «Գալով ժուժկալութեան, ես պիտի ասեմ, որ նա ոչ մի ֆիասակար ազդեցութիւն չունի մարդու վերայ, ինչպէս հաւատացնում են շատերը, մինչև անգամ բժիշկներից: Դա մեծ սխալմունք է և անհիմն ենթադրութիւն առանց գիտական որևէ հիմունքի: Ով ոք ունի բարի կամք, կարելի է չափաւորել սեռական ձգտումը. դորա համար հարկաւոր է հասարակ կերակուր, խուսափում գրգռիչ ըմպելիքներից, լուրջ մտաւոր աշխատանք և մանաւանդ ֆիզիքական վարժողութիւններ և աշխատութիւն:

Բայց ի հարկէ այդ այնքան էլ հեշտ չի գործադրել, որովհետև մարդկանց մեծամասնութիւնը կրթուած է մի այնպիսի մթնոլորտում, ուր սեռական սանձարձակութիւնը համարում է ներելի և օրինական: Դա ոչ այլ ինչ է, եթէ ոչ կրկնակի ատավիզմ—ժառանգութիւն վայրենի ժամանակների և միջին դարերի:

Առաջներում տղամարդը յարձակում էր կնոջ վերայ, ինչպէս գազան. բայց այդ վայրենութիւնը աստիճանաբար թուլանում էր, թէև երկար ժամանակ տղամարդը տէր էր, ճնշում էր, ստորկացնում էր. ինչպէս կամենում էր, նայելով նորա վերայ, իբրև տնային գրաստի վերայ:

Միջին դարում կանանց դրութիւնը, ինչպէս և հասարակ ժողովրդինը՝ վատթար էր. իշխում էր միայն ազնուական դասակարգը, որը թոյլ էր տալիս ամեն տեսակ սանձարձակութիւն դէպի կանանց դասը հասարակ ժողովրդի: Այժմ ևս ուլքեր են դառնում զոհեր մեր երիտասարդներին. հասարակ ժողովրդի աղջիկները, աղախիններ, և այլն, որոնց հետ թոյլատրւում է ամեն ինչ՝ առանց համարեա խղճահարութեան վերայիշեալ ատավիզմի շնորհիւ:

Ենթադրինք, որ երիտասարդ տղամարդը զգում է անտաակ կանանցից. ապա ինչ պիտի անէ: Նա պիտի խաբեբայութեամբ սեռական յարաբերութիւն ունենայ պատուաւոր աղջկերանց հետ,

որոնք դառնալով սիրական, պիտի արտաքսուեն հասարակութիւնից. իսկ եթէ յղանայ, այն ժամանակ աւելի ևս սև օրեր պիտի տեսնեն այդ խեղճերը, նրանք կամ պիտի ծնեն ծածուկ տեղերում կամ վիժեն, և կամ իրանց կամ երեխաներին սպանեն, իսկ եթէ լինի երեխայ, հարկաւոր է նորան կերակրել և ինչով—դիմելով երբեմն անառակութեան: Բայց միթէ նա իրան երեխային է միայն կերակրում. Ձեր երեխային, որովհետև դուք էք նորան աշխարհ հանել, թողել և մոռացել: Ինչ պիտի դուրս գայ այդ ապօրինի երեխաներից յանցաւորներ, արբեցողներ: Նշանակում է դուք դառնում էք մասնակից յանցանքների և անառակութեան տարածման:

Եւ այդպէս տղամարդը երկու էակների դժբաղտութեան պատճառ է դառնում. իւր երեխային և նորա մօր, նոյնպէս այն կնոջ, որի հետ կապւում է օրինաւոր ամուսնութեամբ և վերջինից ծնուած երեխաներին:

Ենթադրենք, որ երիտասարդը այդ ի նկատի առնելով կը վճռէ յաճախել անառակութեան տները, ուր նորան սպասում է մի ուրիշ աւելի վտանգաւոր բան՝ վեներական հիւանդութիւններից վարակում, օրինակ շանկրից, սուսուռնակից և սիֆիլիսից:

Թէև սուսուռնակը տեղական հիւանդութիւն է համարւում, բայց երբեմն նա տարածւում է զանազան գործարանների վերայ և ունենում է թէ տղամարդի, թէ իւր կնոջ և թէ երեխաների վերայ շատ աղէտալի հետևանք, ինչպէս սիֆիլիսը:

Տղամարդի համար. սուսուռնակով համարեա բոլոր տղամարդիկ հիւանդացած են լինում, համարելով նորան մի անվտանգ տեղական հիւանդութիւն, բայց իրականապէս այդպէս չէ. այդ հիւանդութիւնը առաջինը՝ շատ յամառ բնութիւն ունի, տևում է շատ երկար. երկրորդ՝ ունենում է շատ վտանգաւոր բարդութիւններ. միզանցքի նեղացում նորա կից և մօտ գեղձերի, ձուանների, միզապարկի, մինչև անգամ երիկամունքի բորբոքում, յօդացաւ, յաճախ սերմնահոսութիւն, որը այնքան աղէտալի է լինում ջղային համակարգութեան համար, ինչպէս ամեն տեսակ սերմի կորուստ, մանաւանդ օնանիզմի ամենասոսկալի սսվորութեան ժամանակ. բացի դորանից սերմի գլխաւոր մասերը՝ սերմնային մարմնիկները կամ ոչնչանում են, կամ թուլանում դառնալով անընդունակ բեղմնաւորութեան համար և այդպիսով մարդս դառնում է անպտուղ, որի մէջ մեղադրում է անիրաւաբար իւր կնոջ, որից պահանջում է անպատճառ զաւակ:

Սուսուռնակը կանանց համար նոյնպէս աղէտալի է: Գլխաւորապէս վարակւում են ամուսիններից, որոնք հիմնաւորապէս

մինչև ամուսնանալը չեն բժշկուել, թիթևամտութիւնով այդ հիւանդութեան վերայ: Կանանց մօտ բացի տեղական բորբոքումից լինում են բարդութիւններ արգանդի, ձուարանների, ֆալլոպեան խողովակների, որի միջոցաւ կնոջ ձուն մտնում է արգանդը, նոցա նեղացումը, որը պատճառ է դառնում յաճախ անպտղութեան և արտօքոյ արգանդի վտանգաւոր յղութեան և այլն: Անպտղութեան պատճառը նոյնպէս դառնում է ամուսինը, վարակելով իւր կնոջ:

Սուսունակը երեխայոց համար նոյնպէս առանց վտանգի չի անցնում: Աղջիկ մանուկները ծնուելու ժամանակ վարակւում են մօրից ստանալով թէ սեռական գործարանների բորբոքում և թէ աչքերի, եթէ հարկաւոր նախազգուշութիւններ չը ձեռնարկեն: Երկու սեռի մանուկները շատ յաճախ ստանում են աչքերի բորբոքում սուսունակից և կուրութեան մեծամասնութիւնը երեխայոց այդ պատճառից է լինում:

Այժմ դառնանք վեներական հիւանդութիւնների ամիսնավտանգաւորին—սիֆիլիսին, որը վարակիչ է վերին աստիճանի և փոխանցւում է զանազան ճանապարհներով, բացի սեռական յարաբերութիւններից՝ համոյրից, ձեռք տալով, ամանից, թուքից և այլն:

Մի քանի օրինակներ վարակման անսովոր միջոցներով. մի երիտասարդ ունենալով պղուկ քունքի վերայ՝ կառքում քնի ժամանակ այդ տեղով դիպչում է այն տեղին, որ տեղին առաջուց դիպած է լինում սիֆիլիս ունեցողի խոցը: Միւսը ստանում է աչքի մէջ սիֆիլիսոտի թուքից, որից փշանում է աչքը և ամբողջ կազմուածքը վարակում: Կան դէպքեր, երբ սիֆիլիսոտը ձեռքը սեղմելուց յետոյ մատը տանելով քթի մէջ վարակել են սիֆիլիսով քթից: Ահա ինչ աննկատելի անմեղ ճանապարհներով անմեղ մարդիկ վտանգւում են սիֆիլիսից վարակուելով. և այդ բաւական չէ, որ ոչ մի արմատական միջոց չի ձեռնարկւում այդ սարսափելի ախտի տարածման դէմ, այլ և պահանջւում է, որ բժիշկները պահեն «պրօֆեսսիոնալ գաղտնիք», ասել է թէ չը յայտնեն որեւիցէ անձի սիֆիլիս ունենալու մասին: Մինչ նոքա պարտաւոր են օրէնքով ամեն տեսակ վարակիչ հիւանդութեան մասին յայտնելու իշխանութեան, օրինակ ծաղկախտի, կարմրուկի, տիֆի և այլն. իսկ ամենասարսափելի հիւանդութեան մասին թէ անհատի, թէ հասարակութեան, թէ մարդկութեան համար, պիտի լռեն: Դա մի անհեթեթութիւն է և անհասկանալի տրամաբանութիւն: Այդ ոչ այլ ինչ է, եթէ ոչ մէկը բազմաթիւ օրինակներից՝ հովանաւորութիւն տղամարդկանց արատներին վերջինների միջոցաւ:

Յարգելի պրոֆ. բերում է մէկ զարհուրելի օրինակ վարակման երեք ընտանիքի. և դժբա պատճառն այն է հղել, որ փեսացու երիտասարդը համբոյրի միջոցաւ վարակել է 19 տարեկան, աղջկան—նշանածին (Засѣд. Берлин. Мед. общ. докторъ Гебертъ 1889 г.)

Հնչակաւոր սիֆիլիտոլոգ Ֆուլնիէն պատմում է, որ տեսել է շատ դէպքեր, երբ վարակումը սիֆիլիսով եղել է մանաւանդ համբոյրների միջոցաւ: Պրոֆ. Հերցենը յետոյ խօսելով սիֆիլիսի վարակաւորութեան մասին յայտնում է, որ նա անբուժելի է, բայց կան շատ բժշկներ, որոնք պիտնականօրէն ապացուցել են հակառակը սիֆիլիսի բուժելի լինելը:

Աւելի սարսափելի է ըստ Հերցենի սիֆիլիսի ժառանգականութիւնը: «Բաւական է, եթէ ծնողներից մէկը հիւանդ է սիֆիլիսով—երեխայքը պիտի ծնունեն սիֆիլիսոտ. այստեղ դիւտաւորապէս հայրն է լինում մեղաւորը: Կան մարդիկ, որոնք զգուշիւ ուճիր են գործում ամուսնանալով սիֆիլիսի բացարձակ նշաններ ունենալով իրանց վերայ, ուրիշները աւելի ոճրագործ են լինում, վարակուելով ամուսնութիւնից յետոյ...

Դժբաղդաբար մարդիկ, որոնք թոյլ են տուել ինչ որ կարելի էր մինչև ամուսնանալը, շարունակում են նոյնը և ամուսնութիւնից յետոյ....

Ժառանգականութիւնը լինում է թէ հօր և թէ մօր կողմից: Երեխան ունենալով այդ ժառանգականութիւնը, փչանում է յաճախ մօր արգանդում կամ ծնուելու ժամանակ, իսկ եթէ մնում է կենդանի, վաղ թէ ուշ արտայայտւում է նորա վերայ սիֆիլիսով... Դորանից է ծագում այն բազմաթիւ ողբերգութիւնները, որոնք տեղի են ունենում ընտանեկան շրջաններում: Ահա մէկ օրինակ: Մէկ ընտանիքում երկու որդիքը 12 և 13 տարեկան, հօրից ժառանգած սիֆիլիսից տանջուելուց յետոյ, մեծը վախճանւում է, իսկ երկրորդի տանջանքը աւելի ևս սաստկանում է: Մայրը չը կարողանալով տանել այդ տանջանքը ինքնասպանութիւն է գործում:

Բժիշկ Տեփս (Regis) հրատարակել է մի նոր հետազոտութիւն, ուր ապացուցանում է, որ երեխայոց ընդհանուր անդամալուծութեան համարեա բոլորի պատճառը ժառանգական սիֆիլիսն է (Mercred, médical 1895):

Էլի դառնանք սիֆիլիսի վարակաւորութեան: Մայրը եթէ խուսափէ իւր ամուսնուց վարակուելուց, նա կարող է վարակուել երեխայից, որին նա կերակրում է: Իսկ եթէ մօր տեղ մանդա տուն կերակրէ, վերջինը պիտի վարակուի, մանաւանդ, որ բժի

կը՝ պահպանելով իւր պրօֆեսսիօնալ գաղտնիքը, չի զգուշացնիլ նորան, թէ ինչ երկիւղ է նորան սպառնում, որովհետեւ դա կարող է անպատուել «ընտանիքի յարգելի հօրը» և պատճառել անպատուութիւն իրան՝ բժշկին: Մենդատուն վերադառնալով իւր տունը վարակում է ամուսնուն, երեխայոց, վերջինները իրանց ընկերներին՝ թէ խաղի ժամանակ, թէ ուսումնարանում: Եւ այդպիսով ամբողջ գիւղորայք վարակում են սիֆիլիսով:

Այդ երեւոյթը մանաւանդ նկատում է Ֆրանսիայում և Ռուսաստանում և սիֆիլիսը այդպէս տարածուելով դառնում է ազգային մեծ աղէտ մեր ցեղի համար, վասնորոյ հարկաւոր է արմատական միջոցների համար մտածել:

Այդ այն կը լինի, որ այն օրէնքը, որը գործադրւում է ուրիշ վարակիչ հիւանդութիւնների մասին, որոնք սպառնում են հասարակութեան առողջութեան, գործադրուին և վեներական հիւանդութիւնների դէմ, այսինքն՝ պարտաւորեալ առանձնացում և բժշկութիւն բոլոր այդ տեսակ հիւանդներին առանց զանազանութեան սեռի:

Եթէ պարտաւորիչ է անառակութեամբ պարապող կանսնց ենթարկել քննութեան և բժշկութեան, նոյնը պիտի անել և անառականոց յաճախող մարդկանց հետ... Նոյնպէս հարկաւոր է ազառակ կանանց, եթէ հիւանդ են առանձնացնել և հիմնաւորապէս բժշկել... Հարկաւոր է անել, ինչ որ գործադրւում է Շվեյցրիայում, որի մասին կը խօսենք յիտոյ:

Եւ կարծում եմ, որ լուսաւորութիւնը աստիճանաբար յաղթում է այն երկու ատավիզմը, որի մասին խօսեցինք առաջ:

Արդարութիւնը և ազնւութիւնը սկսում է թափանցել և սեռական յարաբերութեան շրջանը, ինչպէս թափանցում է բոլոր մարդկային յարաբերութիւնների մէջ—սոցիալական, քաղաքական և միջազգային:

Այժմ դուք գիտէք, որ մարդկանց անառակութիւնը պատճառում է մեր մերձաւորին, հայրենիքին, մարդկութեան չարիք, որի չափը և խորութիւնը դժուար է որոշել...

Դասախօսութիւնը յարգելի պրօֆ. վերջացնում է յետագայ խօսքերով:

«Բարոգեցէք ձեր սեփական օրինակով. պատուիր կնոջ, քրոջ, մերձաւորիդ աղջկան, ինչպէս որ դու ցանկանում ես, որ ուրիշները անեն միևնոյնը քեզ հետ»...

Գրքոյկի վերջում աւելացրած են երեք նկատողութիւններ. առաջինը վերաբերում է նորան, որ աղջկայ հասակն ամուսնութեան համար պիտի որոշած 20 տարեկան, որովհետեւ այդ հասա-

կումն է նա զարգացած համարում, միայն Զւիցերիայում և Միացեալ Ամերիկայում ընդունում է աղջկայ հասակը 18—21 տարին: Երկրորդ՝ Զուիցարիայում չկայ օրէնք բժշկական պրօֆեսսիօնալ գաղտնիքի, ինչպէս միւս երկրներում: Ուրեմն նոքա չը պիտի թագցնեն թէ վննեական, և թէ միւս վարակիչ հիւանդութիւններ սննցողներին: Երրորդ՝ Շվեցիայում վննեական ախտերը աւելի նուազ են տարածուած, քան միւս երկրներում: Այնտեղ նշանակուած է առանձին հարկ բացառապէս վննեական ախտ ունեցողների համար, որոնք բժշկում են ձրի: Տեղական իշխանութիւնները կարող են, երբ հարկաւոր համարեն, ամբողջ ազգարնակութեան քննութեան ենթարկել բժիշկների միջոցաւ և երբ գտնուում են հիւանդներ, իսկոյն ուղարկում են մերձակայ հիւանդանոցը: Երբ այդ հիւանդները վերադառնում են տուն, այնուհետեւ տեղական իշխանութիւնները ժամանակ ժամանակ պիտի տեղեկանան նոցա առողջութեան մասին, որպէսզի հարկաւոր ղէպըում՝ եթէ երեւան սիֆիլիսի նշաններ, բժշկութեան համար հոգան: Ամեն բժիշկ պիտի իմանայ իւր հիւանդների վարակման աղբիւրի մասին, որպէս զի կասկածաւոր անձին ենթարկէ բժշկական քննութեան. իսկ եթէ մի ոք խուսափէ, նորան ստիպմամբ կենթարկեն յիշեալ քննութեան:

Նորակոչ զինուորները, նոյնպէս և զինուորները, մանեօվրից—մարզողութիւններից առաջ ենթարկւում են քննութեան, նոյնը անուում է եկւորների, շարժուող առեւտրականների, որոնք ժողովում են շուկաներում: Ծովեզրիայ իշխանութիւնները պիտի հսկեն նաւատորմների վերայ, ենթարկեն քննութեան: Քննում են նոյնպէս սըննդատուները և երեխաները, որոնք ապաստարաններից տրւում են մասնաւոր անձանց պահելու: Ահա շնորհիւ վերոյիշեալ միջոցների վննեական հիւանդութիւնները շատ սակաւ են Շվեցիայում:

«Ես երբէք չեմ լսել, ասում է ըմ. Րիբինզը, որ մեծամասնութիւնը համարէ այդ միջոցները ամօթաբեր կամ անպատեհ անհատի ազատութեան. իսկ նոքա, որոնք վարակուել են առանց իրանց մեղաւորութեան, նրանք ընդհակառակը, շնորհակալ են իշխանութիւնից վերոյիշեալ միջոցների համար»:

Փառք և պատիւ Շվեցիային:

Սորանով է վերջանում հետաքրքիր գրքոյկը պրօֆ. Հերցենի, որը ուսանելն լեզուով դուրս է եկել 1905 թուականին:

ԲՃ. Բ. ԱՂԱՍԱՐԵԱՆ

ԺՈՂՈՎՐԴԻ ՄԷՋ¹⁾

ԲՕԶԵԳԵՐԻ

Քսանեհինգերորդ կիրակի

Անցած հինգշաբթի չօղենգօրֆում տօնեցինք այսպէս կոչուած կուսական, կամ պսակների տօնը, թնդանօթներին փոխարինող ռմբիկների թնդիւններով մի գնացք էր սա:

Նոյնիսկ վառօդն էլ այստեղ աղօթքներ է առաքում դէպի երկինք, թողութիւն խնդրելով իր՝ աշխարհի վրայ կատարած անկարգութիւնների համար: Եթէ «Կոնստինենտալ փոստի» աշխատակիցները տեսնէին ինձ առանց գլխարկի գիւղացիներին հետեւելիս և նրանց հետ երգելիս, կ'բացականչէին՝ Խնչ չի անի մարդ քսան հազար կրօն ստանալու համար: Բայց այժմ հեռացել եմ նրանցից և լիայոյս եմ որ ընդմիշտ: Աշխատանքը և չարչարանքը կապեցին ինձ գիւղական կեանքի հետ: Վաղուց արդէն նկատել էի, որ ուրախութիւնը և զուարճութիւնը մարդկանց անջատուած է իրարից, իսկ տանջանքը՝ միացնում: Մարդիկ միաւորուում և հոգեպէս յարում են իրար միայն այն ժամանակ, երբ արիւնաւից վէրքերն են կապում նրանց: Որտեղ վիշտն է, այնտեղ դիւրութեամբ սկիզբ են առնում հաւատը և սէրը:

Նա, ով ինքը անձամբ մշակել է դաշտը, ըմբռնում է երկրային պտուղների պահպանութեան և կայծակն ու վատ եղանակը իրանցից հեռացնելու մասին աղօթքները: Երբ այդքան կենդանի արարածներ միացած որևէ բան փափագում, դէպի մի որևէ բան ձգտում, նոր ոյժ է առաջանում և նրանց ցանկութիւնները իրագործւում են: Մի բանանտեղծ զրել է. — այն բոպէին, երբ բոլոր կենդանի արարածները միաժամանակ

1) Լումայ 1909 № 9

լրջօրէն ցանաւային գոյութիւն չունենալ, աշխարհը կ'կործանուէր... եթէ ընդհանուր համաձայնութեամբ հնարաւոր է վերացնել աշխարհը, ուրեմն նոյն ընդհանուր ցանկութեամբ կարելի է հաստատել այն: Ես բարձր եմ գասում մարդկանց միաբանութիւնը սիրոյ, ատելութեան, ձգտումների մէջ: Այդ միաբանութիւնից է կախուած գուցէ և բաղդի կառավարութիւնը:

Թափորի ժամանակ երիտասարդները, ի հարկէ, անձնատուր էին լինում և այլ մտքերի, բացի կարմիր ամպհովանուց, որի տակ առաջ էր ընթանում քահանան ս. մասուհներով, բացի լապտերներից և խաչվառներից ամենքն էլ (որոնց թուում և ես մեղաւորս) տեսնում էին իրանց առաջ սպիտակ զգեստներով և լեռնապսակի ճիւղերը զլխին աղջիկների երկար շարքը: Լեռնապսակի ճիւղը կուսական անարատութիւն է նշանակում այս կողմերը: Այդ կարգը կատարւում է տարեներ մէկ անգամ տատուածային մարմնի աօնի օրը: Բոլոր աղջիկները մի թէ փոքր, զեղեցիկ թէ աղեղ բոլորեքեան իրանց զլուխները զարդարում են լեռնապսակի ճիւղերով:

Ոմանք չբաւորութեան պատճառով անկարող են լինում սպիտակ զգեստ ունենալ, սակայն դրանց լեռնապսակի ճիւղը աւելի պերճաւոր է լինում ուրիշներից: Երիտասարդները, զիտենալով որ շատ թէ քիչ կարելի է հաւատ ընծայել սովորութիւններին, ուշադրութեամբ զիտում էին այդ զեղեցիկ դէմքերը: Այս աօնին իր գլուխը հպարտութեամբ ճիւղերով զարդարած աղջիկը, ոչ միայն բարձր է կանգնած հասարակութեան ուղիքին, այլ և մի տեսակ անհասանելի է լինում: Պատմում են, որ մի անգամ, գաղտնի կերպով մեղանչող աղջիկ, աօնին լեռնապսակի ճիւղ է անցնում զլխին, բայց ժամերգութեան լեռնապսակը եղինջի է փոխւում և զժբաղտի զլխին այնպէս աճում, մեծանում, որ բոլոր եկեղեցականներին տեսանելի է լինում:

— Ինչո՞ւ մի այդ տեսակ սովորութիւն չկայ աղաների համար, հարցրի ես հանաքով Րոխերից: Նա մտախոհութեամբ նայեց վրաս և ասաց որ չիմար հարցեր չառաջարկեմ իրան: Ի՞նչ է նշանակում, փիլիսոփայ:

Թափորի ժամանակ երիտասարդները ծիծաղելով և քրք-

քըշալով մէկ-մէկ թւում էին աղջիկներին: «Ո՞րանք է Ալամի աղջիկը», հարցրեց մինը. «Տէր Աստուած, նա չի երևում», «Այ քեզ բան»:

Իսկ յետոյ ասնր ինչ պատահեց: Աղամը, ժամից վերադառնալուց յետ, մտաւ խրճիթը, որտեղ Բարբելը ծալում էր ձեռքի կարը:

— Այսօր քեզ համար հասարակ օ՞ր է, Բարբել. հարցրեց հայրը:

— Հասարակ օրին չեմ հասցնում կարել:

— Ես կարծում էի ահար ես, որ այսպիսի մի օր ժամ չէիր եկել:

Աղջիկը ձգձգում էր ձեռին բռնած թելը, բայց յետոյ հանդարտութեամբ ասաց.

— Հայր, ես գլուխ դարդարելու ոչինչ չունէի, յիմար ոչ խարը երեկ մտաւ պարակղը և կերաւ իմ լեռնապսակը:

— Դու էլ ի՞նչ էիր շինում, զաւակս, ասաց Աղամը և մտաւ այգին: Ճիշտ որ այնպէս էր՝ լեռնապսակի ցօղունները կոտրատուել, ծաղիկները թառամել էին:

Շուտով աղջկայ մօտ եկաւ մայրը: Ես կանգնած էի սրահում: Պառաւր խօսում էր հանդարտօրէն, սակայն պէտք էր գիտենալ թէ ինչ էին նշանակում նրա ոսկրոտ, արեակէզ ձեռների դողդողոցը:

— Բարբել, ասաց նա, ինչո՞ւ մեզ հետ եկեղեցի չեկար:

Բարբելը լուռ էր:

— Այդպիսի բան ոչ մի անգամ չի պատահել, շարունակեց պառաւը: Ամեն կարգին աղջիկ, այսպիսի օրին, իր պատկով եկեղեցի է գնում: Ինչո՞ւ ես լուել: Կացիր, ես ցոյց կ'տամ քեզ այդպէս կամակորել. և չ'գիտենք էլ թէ ինչի համար:

— Ես ոչ մի անգամ չեմ յամառուել, մայր:

— Ձեա յամառուել: Ուրեմն բանը ինչու՞ն է: Բոլոր ժամանակ ոչ ոքի հետ չեա խօսում և այնպէս ես ման գալիս, կարծես դժբաղդ լինես: Ի՞նչ է պատահել: Ի՞նչդ է պակաս: Ո՞վ է վիրաւորել քեզ: Տանել չեմ կարողանում, երբ մարդիկ ուռչում են:

— Բայց ես չեմ ուռչում, ասաց Բարբելը:

— Արդէն խօսում են քեզ վրայ: Ուղղակի ամենից խորշում էի, որովհետեւ ամենեքեան էլ հարցնում էին «Ո՞րտեղ է Բարբելը, ինչո՞ւ այսօր չէ երևում»: Ես հնարում էի թէ ատաֆներդ ցաւում են: Չէ՞ որ կ'ըմբասէին, եթէ համոզուած չ'լինէին, որ ազնիւ աղջիկ ես:

Բարբելը շուռ եկաւ, որ քաթանը պահարան զնի:

Մայրը մի քանի քայլ այլ արեց նրա ետեւից և ասաց.

— Բարբել, ինձ նայիր, նայիր իմ աչքերին:

Այստեղ աղջիկը անհաստատ քայլերով դուրս գնաց խորճիթից:

Իսկ պառաւր կարծես մեխուեց գետնին, նա կանգնած էր անշարժ և նայում էր դէպի նախասենեակ, որտեղ անչայտացաւ աղջիկը: Ոչ մի բառ չարտասանեց նա. միայն ձեռները բարձրացրեց և ծալեց կարծես աղօթելիս լինէր...

Ճաշելու չեկան ոչ Բարբելը և ոչ Ռոխերը: Ոչ ոք չ'հարցրեց թէ որտեղ էին: Մնացորդներս լուռ նստած էինք և չէինք կարողանում ուտել: Առանց ճաշը վերջացնելու մէկս միւսի ետեւից դուրսեցինք դռները, վեր կացանք ու բաժանուեցինք իրարից: Վերջապէս մնացի մենակ և սկսեցի մտածել զալիք դէպքերի մասին:

Երեկ առաւօտ երբ տաւարը ջրհոր էի տանում, յանկարծ տան մօտից մի վայրենի աղաղակ լսեցի և տեսայ ինչպէս Ռոխերը կացինը ձեռին կեռասիների մօտով վազում էր ում որ հետապնդելով: Իսկ տան առաջ կանգնած էր մի խրատուկակ, որը կարծես բանջարանոցից եկած լինէր: Նրա ձեռները տարածուած չէին, այլ դարսած ունէր կրծքին և նրանցից պարանով կապած էր մի յարդէ տիկնիկ...

Այդ հրէշը կանգնած էր նրա պատուհանի առաջ:

Յուսով էի, որ բացի ինձանից և Ռոխերից ոչ ոք չաւսաւ այդ: Վերցրի տիկնիկը, տարայ ախոռը և հազար կտոր տրի: Սմբողջ օրը կասկածում էի, չնկատեցի՞ն արդեօք ձերուները, կամ հէնց ինքը, այդ խայաւորակ անարգութիւնը. բայց ոչինչ չէին տեսել: Ռոխերին էլ ոչինչ չասի և նա ամբողջ օրը վրդովուած էր:

Սակայն ես պատրաստ եմ սպանել այն մարդուն, որը այս քնտանիքին այսպիսի անօրինակ անպատուութիւն հասցրեց:

Թարգմ. ՕՐ. Ն. ԱՂԱՆԵԱՆ

ՄԱՏԵՆԱԽՕՍԱԿԱՆ

ՀԱՐՏՄԱՆ-ՌՈՒԶԱՄԻ. ԻՐԱՇՐՁԱՆՆԵՐԻ ՎԵՐԱԾԻԱԾ ԹԻԱ-
ԲԱՆԱԿԱՆ ԽՆԴԻՐՆԵՐԻ ԺՈՂՈՎԱԾՈՒ. Դ. ՏԱՐՈՒԱՅ
ԴԱՍԸՆԹԱՅՔ. ՓՈԽԱԴՐԵՑ Յ. ՏԷՐ-ՄԻՐԱՔԵԱՆ
ԹԻՖԼԻՍ 1909.

Ուրախ էի, նկատելով, որ ռուսահայերիս մէջ զպրոցական-
ցանկի ճիւղաւորելու հետ առանձին եռանդով ամեն կողմից
լոյս են ընծայում և զիտութեան զանազան ճիւղերի վերաբե-
րեալ դասագրքեր, քանի որ առանց զրանց զժուարին էր ծա-
նուկներին աւանդել այս կամ այն դիտութիւնը: Եւ առաւել
ուրախութիւն էի զգում, երբ միեւնոյն առարկայի համար մի
քանի դասագիրք էի տեսնում հրապարակի վրայ. այդ նշանա-
կում էր, որ մրցում կայ մէջ տեղ, իսկ ուր մրցում կայ՝ այն-
տեղ նաև յառաջադիմութիւն:

Թուարանութեան տարրական դասագրքերից ինձ ծանօթ
էին Գրուբէի դասագիրքը, Եւտուշևսկու խնդիրների հայ թարգ-
մանութիւնը, չէնչէլի հայերէնը, Սպարապետեանի թուարանա-
կան դասագրքերի շարքը և այլն, իսկ երբ լոյս տեսաւ Յ. Տէր-
Միրաքեանի թուարանութեան նոր դասագիրքը՝ ես շտապեցի
փորձել այդ գրքով թուարանութիւն աւանդել իմ մի աշակեր-
տուհուն, աչքի առաջ ունենալով, որ նախ և առաջ դա, ինչ-
պէս ամենից վերջը հրատարակուածը, գերծ պիտի լինի շա-
թերութիւններից և ապա ինչպէս Տէր-Միրաքեանի աշխա-
տութիւն, որը ռուսահայ 2—3 յայտնի մանկավարժներից միւնն
է համարւում, այդ դասագիրքը յայտնի առաւելութիւններ պի-
տի ունենայ իւր նախորդներից: Մանաւանդ որ ինքը պ. Տէր-
Միրաքեանն էլ իւր յառաջարանում ասում է, թէ խրախուսուել է

վերջապէս հին ճանապարհից դուրս դալու և նոր ուղի դանելուն հետամուտ ուսուցիչների հարցասիրութեամբ:

Ձեռք բերի ուրեմն Հարաման-Ռուզամիի յօդուածիս ճակատին չիշուած զրքի հայերէն փոխադրութիւնը:

Նախ քան զիրքը աշակերտուհուս ձեռքը տալը, 'ի հարկէ՛, նախ ինքս պէտք է ծանօթանայի նրա հետ. ծանօթացայ, դասադիրքը ծալեցի մէկ կողմ գրի և նորից դիմեցի հին դասադրքերի օգնութեան, որովհետև զիրքը հիասթափող տպաւորութիւն գործեց ինձ վրայ:

Կկամենայի իմ ստացած տպաւորութիւնների վրայ հրաւիրել ընթերցողի ուշադրութիւնը, յուսալով, որ իմ նկատողութիւնները օգտակար կարող են լինել նաև իրան՝ մանկավարժ Տէր-Միրաքեանին հետագայ իւր աշխատութիւնների համար:

Փոխադրողը զրքի նախաինը դրել է հեղինակի անունը Հարտման Ռուզամի. մինչդեռ իւր յառաջաբանում բողոքարարում է, որ բացի այդ հեղինակից՝ հուսմ նիւթեր է հաւաքել դրա համար մի շարք ուրիշ հրատարակութիւններից, և դարձեալ օգտուել է Տանկի Eine Sammlung unt. g. Uebungsaufgaben դասագրքից, Արժենեկովի և Վիշնեվսկու ժողովածուներից, ևն ևն, և վերջապէս խառը խնդիրների հատուածը կազմել է Գէորգ Ղազարեանը: Այս ամենից յետոյ վերկենալ և զրքի ճակատը դարգարել մի հեղինակի անունով՝ որ դուցէ միայն ի պէտք է տուել գործին և հազիւ խնդիրների մի մասը՝ այդ վարձուներ մատեմատիքական չէ:

Այս հանգամանքը ամենից առաջ բերինք մենք ցոյց տալու համար, որ զիրքը ինչ նշտութեամբ որ սկսուած է, նոյն ձևով էլ շարունակուած ու վախճան է ստանում:

Ամենից առաջ զիրքը որ բացինք՝ 6-դ Քօրման դիւսի վայր դտանք մէջը, որ դժուարացնում էր զրքի գործածութիւնը:

Նախ մենք կարծեցինք, որ զիրքը միայն անխնամ թղթականագծուած է և ուրիշ ոչինչ, և սկսեցինք թերթել ու ուսումնասիրել. և ահա մեր առաջ հանդիսացաւ երկրորդ և ամենից էական խոչընդոտը՝ այդ զրքի անտանելի լեզուն, որ շատ անգամ անհնարին էր դարձնում խնդիրների հասկանալը: Եթէ

ուղենանք հատուածներ բերել իբրեւ լեզուի խրթնութեան ապացոյց՝ գուցէ հարկ լինէր արծակ զրուածքների մեծ մասը արտադրել այստեղ. բայց ընթերցողների լսելիքը խնայելով՝ մենք առաջ կբերենք մի շարք օրինակներ, որոնք լիովին զաղափար կտան այդ գրքի լեզուի մասին. —

Եր. 49. Տիգրանի նոր գգեստը 27 լ. 60 կ. արժէ։ Այս փողի $3\frac{1}{4}$ -ը միայն կտորի գինն էր. ուրեմն ռրքան։

Ի՞նչ կնշանակի ուրեմն ռրքան։

Եր. 49. ուրիշ չափով նաւթ պատրաստած էր 4 լումա 72 ժամ վառելու համար։ Բայց, եթէ 50 ժամից յետոյ միայն մի լամպը վառ մնաց, մնացած նաւթը սրա համար քանի՞ ժամ կը դիմանար։

Ի՞նչ է ուզում ասել փոխադրողը։

Եր. 61. մի աղջիկ $33\frac{1}{4}$ ժամում 126 $\frac{9}{16}$ գրոս կոճակ համարեց, իւրաքանչիւր բոպէյում միջին թւով ռրքան էր այս։

Ի՞նչն էր որքան։

104. Այս նահանգներից ամեն մէկում իւրաքանչիւր չափահաս տղամարդու միջակ թւով ռրքան հող է ընկնում։

Երեւի ուզում է ասել՝ միջին թւով։

114. Ո՞րքան կարող են աղալ 3 նոյնպիսի ջրաղացը 52 օրում։

118. Ո՞րք անարժէ մի արշին մահուղը։

119. Գէորգեան ճեմարանի աշակերտների համար տարւայ սկզբին դնեցին...

123. Բաֆֆին ծնւել է 1835 թ. և մեռաւ 53 տարեկան հասակում։

Նոյն. աղա Մահմէդ խանը աւերելէէր Թիֆլիսը։

Պ. Տէր-Միրաքեանի գրքում հանդուցեալ կաթողիկոսը անուանակոչուել է Խորմիեան, իսկ այժմեան վեհ. նալրապետը Իզմիրիեան։

125. Աւագանի երկարութիւնն է 6 սաժ. 5 որաչափ...

5. Քաղաքային պարտէզի երկայնութիւնը 126 ս. է, լայնութիւնը՝ 96 ս. ռրքան է այս պարտէզի շրջագիծը։

Կարելի՞ է այս խնդիրը լուծել, երբ սխալ արտայայտութեամբ աշակերտը չգիտէ թէ ինչ դիրք ունի պարտէզը՝ քառակուսի, թէ ոլոր-մոլոր։

Եր. 6. 1908 թ. Զատիկը ապրիլի 13-ին էր: Համբարձման տօնը Երբ եղած կլինէր (միտդ պահիր, Համբարձումը Զատիկի 40 օր յետոյ է լինում):

Անճիշտ խնդիր. եթէ պ. Տէր-Միրաքեանի հաշուով սանք խնդիրը լուծէ, պէտք է ապրիլի 13-ի վրայ 40 օր աւելացնէ Համբարձումը մայիսի 23-ին համարէ, մինչդեռ Համբարձումը Զատիկի օրից հաշուելով քառասներորդ օրն է, ուրեմն մայիսի 22-ին: Եւն. ևն.

Անճիշտ կամ սխալ գործածուած բառեր, կամայ թէ ահամայ անթիւ խայտառակ սխալներ միանգամայն անընթեռնելի են դարձնում դասագիրքը. — օերմաչափ (չերմաչափ), միմչև (մինչև), զնեցին (զնեցին), պատրաստ է (պատրաստ է), Թիֆլի (Թիֆլիսի), չրանքից (չրանցքից?), աղցած (աղած?), 2 անգամ է ծօծում (եօծում ?), վայրեկեան (վայրկիւան), ևն. ևն.:

Ճամպայ և նանապարհ,

Մարդաբնակութիւն և ազգաբնակութիւն ևն:

Միևնոյն դասագրքի մէջ Ներսիսեան դպրոցը հիմնուած է 1825 թուին (եր. 123), և բացւում է 1854 (?) նոյեմբերի 21-ին. գոնէ այսքանը պարօնը ճիշտ պիտի գիտենար, իբրև Ներսիսեան դպրոցի ուսուցիչ:

Յետոյ փոխադրողը մի վատ սովորութիւն ունի, որ խնդիրները կապում է մէկը միւսի հետ, այնպէս որ մի շարք խնդիրներ եթէ սկզբից կարդաք հասկանալի են, իսկ եթէ տմեն մէկ պարագրաֆը, առանձին խնդիր լինելով, առանձին էլ վերլուծէք՝ նրանք այն ժամանակ ներկայանում են որպէս մի մի կուրիօզ (եր. 62 ևն):

Թողնում ենք մանր մունր սխալները և մանաւանդ թուանշանների անհամար սխալները: Մի հետաքրքրական նորութիւն էլ ենք իմանում այս դասագրքից, որ հանգ. Խրիմեան հայրիկը դեռ ևս բազմած է Լուսաւորչի գահի վրայ և միայն 1911 թուի մարտի 23-ին է պատրաստուում հրաժեշտ տալ այս աշխարհին: (տես եր. 123 § 393. Երբ վախճանուեց Խրիմեան հայրիկը, եթէ նա 17 տարի 5 ամիս և 25 օր կաթողիկոսութիւն արաւ, իսկ նա օծուեց 1893 սեպտեմբեր 26-ին + 17 տա-

քի 5 ամիս և 25 օր—մահը ուրեմն պիտի լինի 1911 մարտ 23-ին)։

Պ. Տէր-Միրաքեանը զուցէ մեզ կասէ, թէ նա թուաբանութեան դասադիրք է կազմել և ոչ պատմութեան. բայց մի՞թէ մի դիտութիւն աւանդելով՝ ներելի է միւսները աղտոտել. և մի՞թէ գիտութիւնները միմեանց պակասը չպիտի լրացնեն։

Մենք կցանկայինք, որ յայտնի մանկավարժ պ. Տէր-Միրաքեանը մի փոքր աւելի բարեխիղճ վերաբերուէր հետեւեալ դասադրքերը կազմելիս։

ՕՐ. Ն. ԱՂԱՆԵԱՆ

Լ Ո Ւ Ր Ե Ր

Տաճկահայոց գործերը աւելի քան տարւած վիճակի մէջ են. «Լուծալ»ի ընթերցողները գիտեն, որ պատրիարք Դուրեան սրբազանը հրաժարուել է իւր պաշտօնից, ժողովրդի մի մասը գոհ նորա բռնած զիրքից՝ ուղերձներ է ուղարկում պատրիարքին, և ռուսական մամուլի մի մասը չատագովում է նրա բռնած զիրքը, միւս կողմից ազգի մի մասը դժգոհ է, որ պատրիարքը պաշտօնապէս հրաժարուած է, թէպէտ մասնաւոր կերպով դարձեալ վարում է պաշտօնի անյետաձգելի պարտաւորութիւնները, բայց և այնպէս այդ ձևով նորա չամառումը մի առանձին բարեփոխութիւն առաջ չբերեց Տաճկահայոց գործերի մէջ, բացի այն՝ որ կուսակցութիւնները աւելի լարուեցին, կառավարութիւնը մատ մատի չղրեց Դուրեանի հրաժարման առիթ եղող Ալանայի և ընդհանրապէս Տաճկահայերի տնտեսական վիճակը բարւոքելու։ Բոլոր օգուտը այդ հրաժարականի այն եղաւ, որ մի անգամ էլ Եւրոպայի ուշադրութիւնը դարձաւ Տաճկաստանի դժբաղտ հայերի ու նոցա ա-

մայացած հայրենիքի վերայ, որպէս զի մի անգամ էլ խորին մոռացութեան մատնուին նոքա և գուցէ իբրեւ վրէժ՝ նորանոր արհաւիրքներ նիւթուեն հայութեան դեռ կանգուն մնացող հատուածների համար...

Որքան էլ մենք կամենանք խուլ և կոյր ծեանալ, բայց իրողութիւնն այն է, որ վերջին մի քանի տասնեակ տարիներում հայերը այս և այն տէրութեան մէջ մեր աչքի առաջ պարբերաբար կոստուրում են, հայերի թիւը պարբերաբար պակասում է, հայաստանը սիստեմատիք կերպով դատարկւում է և ամայանում. չէ կարելի չնկատել այս խիստ կարեւոր հանդամանքը և չմտածել սորա վերայ:—Սպասել, որ թիւրքահայոց նշանաւոր ազգային ժողովը կմտածէ առաջն առնել այն բնաջնջումին, որին ենթակայ է նորա խնամքին յանձնուած թշուառ հայ ժողովուրդը, այդ մտացածին երազ է. էջմիածնի ծայրը անգոր է այդ խնդիրներում, իսկ յեղափոխական կոմիտէների նշանակութիւնը ընկել է ժողովրդի մէջ: Չկայ մի մարմին, որի ծայրը նշանակութիւն ունենայ իշխողների համար:

Մենք կարծում ենք, որ նպատակաւորմար կլինէր մի հայկական համագումար կազմակերպել ամեն երկրների հայերից և ազգովին որոշել այն քաղաքական դիրքը, որին հայերը պարտաւոր լինեն հետեւել հայ ազգի թշուռ մնացորդների դոյութիւնը ապահովելու պարբերական կոտորածներից ու հալածանքից, իսկ հայաստանը ամայանալուց:

■ Ղազանի համալսարանի իրաւաբանական բաժնի ուսանող Մովսէս Շանիձէ «ռուսաց ցենզուրի պատմութիւնը» աշխատութեան համար համալսարանի խորհրդից պարգևատրուել է ոսկէ մեդալով: Յանկալի կլինէր մի օր էլ տեսնել հրատարակուած կովկասեան ցենզուրայի պատմութիւնը և յատկապէս հայ ցենզորների պատմութիւնը, քաղուած պաշտօնական աղբիւրներից և տակաւին կենդանի հայ հեղինակների յիշողութիւնների վրայ հիմնուած: Կարծում ենք, որ այդ պատմութիւնը մեծ լոյս պիտի սփռէ ընդհանրապէս ռուսահայոց գրականութեան զարգացման և մասնաւորապէս մեր կուսակցութիւնների

կազմակերպութեան ու զարգացման վերայ և մանաւանդ հայ մամուլի պատմութեան վերայ:

Ամենայն հայոց վեհ. կաթողիկոսի շրջաբերական կոնդակի հիման վերայ թեմիս ս. Սողոմոնի մանրամասն անդեկութիւններ է պահանջել բոլոր պետական և քաղաքային դպրոցների հայ կրօնուսոյցներէից կրօնի դաստուութեան վերաբերեալ զանազան խնդիրների մասին:

Նոյեմբերի 21-ին կայս. գիւղատնտեսական ընկերութեան նախաձեռնութեամբ Թիֆլիզում կատարուելու է Կ. Քալանթարի երեսնամեայ գիւղատնտեսական գործունէութեան յօբելեանը:

Փոխանորդ կորիւն վարդապետի աքսորից յետոյ Գանձակը վերջին տարիներս մնացել էր առանց առաջնորդական փոխանորդի. այժմ «Մշակ»-ը հաղորդում է, որ այս օրերս այնտեղ կատարուել է ժողովրդական ընտրութիւն և փոխանորդի պաշտօնի համար ձայների առաւելութեամբ ընտրուել է Գարեգին վ. Յովսէփեանը:

Մեզ հաղորդում են, որ Թիֆլիզում մի քանի հոգի պատրաստութիւններ են տեսնում մի ուրիշ հայերէն ամսաթերթ հրատարակելու և իբր թէ այս հրատարակութեան համար խոստացուած է նոցա մի բարեգործի կողմից մի յայտնի գումար:

Խմբագիր Հրատարակիչ՝ ԳԻՒՏ Ա. Ք. ԱՂԱՆԵԱՆՅ



ՄԱՄՈՒԼԻ ՏԱԿ Է

Ե Ղ Ի Շ Է Ի

ՊԱՏՄՈՒԹԵԱՆ ԱԶԽԱՐՅԱԲԱՐ ՆՈՐ ԹԱՐԳՄԱՆՈՒԹԻՒՆԸ

Աշխատութեամբ

ԳԻԻՏ ա. ք. ԱՂԱՆԵԱՆԻ

Բացուած է 1910 թ. բաժանորդագրութիւնը

(ՀԻՆԳԵՐՈՐԴ ՏՆՐԻ)

Հ Ա Ս Կ Ե Ր

մանկական պատկերազարդ ամսագրի

Ամսագիրը լոյս է տեսնում Թիֆլիսում 32—48 երեսանոց

մեծադիր գրքոյկներով նախկին ընդարձակ ծրագրով

Մշտական աշխատակցութեամբ ՅՈՎՀ. ԹՈՒՄԱՆԵԱՆԻ ԵՒ ՍՏ. ԼԻ-

ՍԻՅԵԱՆԻ

Ամսագիրը ունի նաև ՄԱՆԿԱՎԱՐԺԱԿԱՆ ԳՐԱԴԱՐԱՆ, ուր շօշափու-
ում են ընտանեկան կրթութեան վերաբերեալ կարևորագոյն
հարցեր:

ԲԱԺԱՆՈՐԴԱԳԻՆՆ Է ՃԱՆԱՊԱՐՀԱԾԱԽՍՈՎ

Տարեկան ՀԱՍԿԵՐ, մանկ. բաժին 3 ռ. մանկավարժ. բաժ. 4 ռ.

Կէս տարուանը . . . 1 ռ. 80 կ. . . 2 ռ. 10 կ.

Մէկ ամսուանը . . . — 30 կ. . . — 35 կ.

Պարսկաստանում . . . 3 ռ. 50 կ. . . 4 ռ. 50 կ.

Արտասահմանում տարեկան . . . ԻՆԸ Ֆր. ՏԱՍՆԵՐԿՈՒ Ֆ կ.

Հրատարակութեան սկզբից մինչև 1909 թ. վերջը 11 ռ. 15 ռ.

ԲԱՑՈՒԱԾ Է ԲԱԺԱՆՈՐԴԱԳՐՈՒԹԻՒՆ

1910 թվական

(ՀՐԱՑԱՐԱԿՈՒԹԵԱՆ 15-Դ ՏԱՐԻ)

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳՐԻ

1910 թվականին Լուսնան լոյս կը տեսնի իւր այժմեան ղերբով, բաղկացած 64—80 երեսներից, մեր մշտական աշխատակիցների գործակցութեամբ: Ինչպէս միշտ, հարկաւոր դէպքերում, կտրուեն պատկերներ հասարակական երևոյթների առթիւ:

ՊԱՅՄԱՆՆԵՐ

1. Նիւթերը պիտի գրուած լինին պարզ, մի էջի վրայ և ոչ աւել քան 32 տպ. երես:
2. Արտատպութիւն ոչ մի դէպքում չի տրուում:
3. Նիւթերը չեն վերադարձնուում, յետ ստանալ ցանկացողները պիտի ուղարկեն փոստի ծախք:
4. Չտպուող նիւթերի մասին ծանուցում է տրուում ամսագրի մէջ պատասխանների բաժնում:
5. Թարգմանական նիւթեր ընդունուում են շատ կարճ և ընտիր հեղինակների:

ԲԱԺՆԷԳԻՆՆ Է տարեկան 6 ռ., կէս տ. 4 ռ.,
Արտասահման „ 8 „ „ 5 „

ՌԻՍՈՒՑԻԶՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉ ՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.